

歷代
小說

二十六史通俗演義

錦章圖書局
印行

610.08
6058
V.5

分類號 610.08

著者號 6058

卷次號 V.5

宋高祖詢
羣兒搗藥
何用



國家圖書館藏 國家圖書館數位化

國史館藏書




0104919

新編廿六史通俗演義

卷五

圖

符堅詢王猛
後來國家事



新昌 呂撫 安世輯

男維垣 輔周

維城 京周
維基 起周

全校

第二十三回 宋齊梁傳陳國俱都江左

詞曰

一片殘山并剩水。年年虎鬥龍爭。秦宮漢苑晉家營。川原流恨血。毛髮凜威靈。白髮詩人閒住馬。感時懷古傷情。戰場田地好寬平。前人將不去。留與後人耕。

詩曰

詩向會家閒講究。話逢知己細評論。評論往事知賢否。講究前賢說廢興。東岸水流西岸響。南山風送北山雲。雲谷冉冉舒還卷。水勢滔滔古又今。流水浮雲何日了。人生在世幾回春。消磨白髮詩和酒。斷送青春利與名。蓋世功名野馬。歛撇天事業。闔婆城半張。故紙留踪跡。千古漁樵作話文。閑論高談依故典。長歌短曲弔英魂。就中多少悲歡處。珍重相知勿倦聞。

却說宋高祖武帝。姓劉名裕。小字德興。字寄奴。彭城人。漢高祖弟。楚元王交之後也。裕生而母死。父翹僑寓京口。將棄之。從母救而乳之。長于後母。不讀書。但識字。嘗行遇大蛇擊傷之。後至其所。見有群兒搗藥。裕問何為。答曰。吾主為劉寄奴所傷。裕曰。何不殺之。答曰。寄奴王者不死。裕叱之。即散不見。仕晉為太尉。封宋王。受恭帝禪。國號宋。仍都建康。在位三年。少嬪御。孝後母。嚴正有度。帝疾甚。其子義符。年方九歲。徐羨之。傅亮。謝晦。檀道濟。同受顧命。在位一年。虐喪無禮。押暱左右。

廬陵王義真與謝靈運顏延之等謀立徐羨之等惡之。先奏廢廬陵王為庶人。然後徐羨之傅亮謝晦檀道濟等廢其王義符為榮陽王。遷于吳。即使邢安泰弑之。并殺廬陵王于新安。迎武帝第三子宜都王義隆立之。是為文帝。以謝晦為荊州刺史。徐羨之傅亮上表歸政。文帝下詔。暴徐羨之傅亮謝晦殺榮陽廬陵王之罪。帝以檀道濟初不預廢弑之謀。止于脅從。豫撫而用之。至是乃命劉彥之檀道濟收捕羨之等。羨之傅亮伏誅。謝晦舉兵反。文帝乃自將討晦。斬之。立子邵為太子。宋主有恢復河南之志。遣右將軍劉彥之自淮入泗。汴河西上。魏主以河南四鎮兵少。命諸軍收兵北渡。皆棄地北去。于是司空兗二州皆平。宋檀道濟等進至濟上。前後與魏三十餘戰。道濟皆捷。軍至歷城。魏將叔孫建等縱輕騎邀其前後。焚燒穀草。道濟等食盡。自歷城引還。軍士有亡降魏者。具以告之。魏人追之。眾凶懼將潰。道濟夜唱籌量沙。以所餘少米覆其上。及旦。魏軍見之。謂道濟資糧有餘。以降者為妄而斬之。道濟乃全軍而歸。道濟威名日盛。朝廷憚之。乃下詔誅之。道濟見收。憤怒。目光如炬。脫幘投地曰。乃壞汝萬里長城。魏人聞之。喜曰。道濟死。吳人不足復憚矣。宋主大起軍旅伐魏。使王元謨進圍滑臺。魏主自將救之。眾號百萬。元謨懼走。魏人追擊大破之。魏主引兵南下。所過無不殘滅。郡縣皆望風奔潰。魏軍至瓜步。聲言欲渡江。建康震恐。民皆荷擔而立。宋主登石頭城。有憂色。嘆曰。檀道濟若在。豈使胡馬至此耶。魏人反破南兗。徐豫青冀六州。殺掠不可勝計。丁壯即加斬截。嬰兒貫于槊上。般樂以為戲。淫掠婦女。所過郡縣。赤地無餘。春燕無室。可依巢于林。文帝命將出師。常授以成律。雖交戰日期。亦待中詔。以至于敗。初文帝仁厚。

恭儉勤於政事。吏久於任。民安其業。在位三十年。戶口蕃息。講誦相聞。士敦操尚。鄉恥輕薄。江左風俗。於斯為美。至是。邑里蕭條。元嘉之政衰矣。帝欲廢太子邵。而議久不決。以其謀告潘淑。淑妃以告其子濬。濬馳報劾。劾乃為逆謀。帥張超之等入雲龍門。拔刀上殿。帝舉几扞之。五指俱落。遂弑帝。并殺潘淑妃。沈慶之輔文帝第三子。江州刺史武陵王駿起兵討劾。誅劾及濬。駿遂即位。是為世祖武帝。帝於閨門無禮。不擇親疏尊卑。無所不至。狎侮羣臣。奢慾無度。嗜酒好利。大興土木。侍中袁粲。盛稱高祖儉素之德。以諷宋主曰。田舍翁得此。已為過矣。但為人機警勇決。學問博洽。文章華敏。又善騎射。每酣飲昏睡。或外有奏事。即肅然整容。無復醉態。由是內外畏之。在位十一年崩。太子子業立。子業幼而狂暴。及即位。殘暴淫虐。無所不至。淫其姊山陰公主。公主性最淫。不遂其慾。帝為置面首三十人。面首者。面貌美男子也。又畏忌諸叔。皆拘于殿內。捶毆陵曳。無復人理。謂湘東王彧為猪。王建安王休仁為殺王。山陽王休佑為賊王。東海王偉為驢王。以木槽盛食。裸彧納泥水中。使就槽食。少府劉暉妾孕臨月。迎入後宮。俟生男。以為太子。彧嘗忤旨。裸之。縛其手足。擔付大官。曰。今日屠猪。休仁笑曰。不若待皇太子生。殺取肺肝。乃釋之。及暉妾生子。為之大赦。彧乃得釋。又詔諸王妃公主命婦。列于前。使左右自裸其衣。復盡強裸女衣。使共淫于一殿中。南平王鑠妃江氏不從。遂殺其三子。裸鞭江妃一百。而復強淫之。諸女大懼。悉自去其衣。不留寸絲遮掩。宣淫無忌。縱帝觀閱。以免其禍。寧朔將軍何邁尚帝姑新蔡長公主。帝納主于後宮。謂之謝貴嬪。詐言主死。殺宮婢送邁殯葬。邁素豪侈。多養士。謀廢帝而立晉安王子勛。事泄見殺。帝

欲殺子勛。時勛為江州刺史。舉兵反于潯陽。帝遊華林園竹林堂。使諸妃宮女。與左右裸相逐。或使數女淫一男。或使數男淫一女。又裸宮人。使與羖羊猴犬交。又縛馬仰于地。使宮人裸與之交。一女子不肯裸衣。從淫。斬之。夜夢在竹林堂。有一女子罵曰。悖逆天道。明年不及熟矣。乃于宮中求得一人。似所夢者。斬之。又夢所殺者罵曰。我已訴于上帝矣。行當殺汝。宮中羣言竹林堂有鬼。帝出華林園。至竹林堂。見有紅袖相招。帝與群巫綵女射鬼于竹林堂。壽叔之等抽刀直入。帝射之不中而走。阮佃夫追殺之。在位一年。迎湘東王彧即位。是為明帝。封壽叔之等十四人為侯。遣建安王休仁討江州。臺軍克江州。殺子勛。傳首建康。明帝無子。嘗以宮人陳氏賜嬖人李道免。已有孕。復迎還。生子昱。又密取諸王姬有孕者。納之宮中。生男。則殺其母。而使寵姬母之。帝每大宴。使諸妃婦女裸于前。與王皇后共觀。以為樂。后以扇障面。帝大怒之。帝與魏戰。敗。使蕭道成鎮淮陰。道成收養豪傑。賓客始盛。帝恐諸王謀帝位。殺諸王十五六人。惟恐昱之不立。至是殂。在位七年。太子昱立。年方十歲。以蕭道成為中領軍。入直決事。宋建平王景素起兵京口。蕭道成遣兵擊斬之。宋主昱自京口既平。驕恣尤甚。誅戮大臣。慘裂其尸。以為懽笑。嘗直入領軍府。道成方晝卧。裸袒。昱令起立。畫腹為的。引滿將射之。道成斂板曰。老臣無罪。乃更以髀箭射中其臍。投弓大笑。道成憂懼。密與袁粲諸淵謀廢立。粲曰。主上幼年。微過易改。伊霍之事。非所宜行。淵默然。道成命王敬則陰結帝左右楊玉夫等。使乘機便會。帝乘露車。晚至新安寺。偷狗飲酒。醉還。乃使楊玉夫弒帝。在位五年。追廢為蒼梧王。道成以太后令。迎立明帝第三子安成王準即位。是為順帝。沈攸

之袁粲劉秉各起兵謀誅蕭道成俱不克而死順帝在位三年遂為蕭道成所篡帝曰願世世勿生帝王家卒為道成所殺滅其族宋亡凡八主共六十年齊高祖蕭道成字伯紹蕭何之後姿表英異龍顏鐘聲鱗文遍體肩有赤痣似日月狀初仕宋以功封齊公進爵齊王竟代宋國號齊帝深沈有大量性清儉博學能文在位四年殂太子頤立是為世祖武帝世祖留心政事務總大體嚴而有斷郡縣久于其職長吏犯法封刃行誅故永明之世百姓豐樂盜賊屏息然頗好游宴華靡之事常言恨之而未能改太子長懋早卒初太子素惡西昌侯鸞嘗曰我殊不喜此人不解何故及鸞得政太子子孫無才遺帝在位十一年殂以朝事委其姪西昌侯鸞鸞奉太孫昭業立之在位一年蕭鸞弒其君昭業以太后令追廢為鬱林王而立新安王昭文自為驃騎大將軍錄尚書事封宣城公昭文在位三月蕭鸞廢之為海陵王尋弒之鸞遂篡位是為高宗明帝魏孝文帝宏大舉伐齊攻鍾離不克遣使臨江數齊王之罪而還明帝躬親細務綱目亦密昧於為政之體以蕭衍為雍州刺史在位一年殂太子寶卷立每哭輒云喉痛大中大夫羊闡入臨無髮俯仰憤脫寶卷報哭大笑曰禿鷲啼來乎嬉戲無度親信宦官始安王遙光與徐孝嗣江祐蕭坦之江祀劉暄六人更直內省分日帖勅雍州刺史蕭衍聞之謂張宏策曰一國三公猶不堪況六貴同朝勢必相圖亂將作矣避禍圖福無如此州乃密與宏策修武備聚驍勇以萬數齊主殺其僕射江祐侍中江祀始安王遙光起兵東城右將軍蕭坦之討平之齊主又殺其僕射蕭坦之領軍劉暄初明帝臨殂戒寶卷曰作事不可在人後故齊主數與近習謀誅大臣皆決于倉猝於是大臣人

人不自保。齊主殺其司空徐孝嗣。將軍沈文季。自是無忌憚。與近習大叫戲馬。常以五更就寢。至
晡乃起。臺閣案奏。或不知所在。五省黃案。皆為宦者裹魚肉。還家時時出外遊走。驅斥所過人家。
唯置空宅。司尉擊鼓。踊圍。鼓聲所聞。奔走不暇衣履。犯者奮手格殺。常以三四更中。鼓聲四出。火
光照天。士民震驚。啼號塞路。嘗有婦臨產不得去。剖腹視其男女。太尉陳顯達舉兵襲建康。敗死。
北豫州刺史裴叔業。以壽陽叛降魏。齊遣將軍崔慧景將兵討壽陽。慧景還兵反。奉江夏王寶元
向建康。鼓叫臨城。臺軍驚散。宮門閉。慧景引眾圍之。將軍左興。盛望風退走。擒殺之。時南豫州刺
史蕭懿在小峴。帝密遣使召之。懿方食。投箸而起。自采石濟江。擊慧景等。慧景等戰敗皆死。齊主
昏淫益甚。嬖倖之徒。皆號為鬼。有趙鬼者。能讀西京賦。因齊後宮火。言于齊王曰。柏梁既炎。建章
是警。帝乃大起芳樂玉壽等殿。後宮服御。極選珍奇。鑿金為蓮花以貼地。令潘妃行其上。曰。此步
步生蓮花也。又於苑中立市。以潘妃為市令。自為錄事。小有過失。妃則杖之。敕虎賁不得進。大荆
子。嬖倖因緣為姦利。謀一輸十。百姓盡困。號泣道路。奪蕭懿兵權。以為尚書令。初懿之入援也。蕭
衍使所親馳說懿曰。誅賊之後。則有不賞之功。當明君賢主。尚難自立。何況亂朝。若滅賊之後。勒
兵入宮。行伊霍故事。此萬世一時也。如其不爾。便託外拒。遂還歷陽。若復釋兵受其高爵。必生後
悔。懿不從。至是齊主將殺之。長史徐曜南密具舟江渚。勸懿奔襄陽。懿曰。自古皆有死。豈有叛走
尚書令耶。帝賜懿藥于省中。懿且死。曰。家弟在雍。深為朝廷憂之。懿既死。其弟雍州刺史衍。起兵
襄陽。荊州長史蕭穎胄。亦以荊州刺史南康王寶融。起兵于江陵。乃以寶融救署衍為都督。前鋒

諸軍事。移檄建康。數寶卷罪惡。稱奉海陵王昭文之母宣德皇太后令。以南康王寶融承大統。廢寶卷為涪陵王。上庸太守韋叡帥部兵二千。倍道赴行。明帝第八子南康王寶融即位于江陵。是為和帝。加蕭衍征東大將軍。都督征討諸軍事。假黃鉞。時尚書令巴東公蕭穎胄卒。於是眾望皆歸于蕭衍。衍引兵東下。寶卷與黃門及宮人習戰。而吝于軍賞。曰。賊來獨取我眼。何為就我求物。法如珍梅虫兒說。以悉誅大臣將軍王珍國及其副張稷等大懼。弒寶卷於含德殿。以黃紬絹裹寶卷首。送詣石頭城。在位二年。蕭衍入建康。以太后令。追廢寶卷為東昏侯。自為大司馬。承制下令大赦。凡昏制謬賦淫刑濫役悉皆除。潘妃有國色。衍欲留之。領軍王浚曰。止齊者此物也。乃併如法珍等誅之。以宮女二十人分賚將士。衍內有受禪之志。沈約進曰。齊祚已終。明公當承其運。今王業已成。遲延不取。若天子還都。公卿在位。則君臣分定。豈復有人同公作賊耶。衍然之。衍遂即皇帝位。國號梁。廢和帝為巴陵王。和帝在位一年而被篡。遷太后于別宮。封拜其功臣有差。梁主欲以南海郡為巴陵國。徙巴陵王居之。沈約曰。不可。慕虛名而受實禍。梁主乃使所親鄭伯禽詣姑孰。以生金進王。王曰。我死不須金。醇醪足矣。乃飲沉醉。伯禽搢殺之。搢殺者。敗其陰而殺之也。御史中丞顏見遠不食而死。齊亡。凡七主。共二十四年。梁高祖武帝蕭衍。字叔達。蘭陵人。齊之疏族也。母張氏。見葛蒲生花。旁人皆不見。吞而生衍。狀貌殊特。日角龍顏。舌文八字。頂有浮光。右手有文曰武。居室常有雲氣。長而英達。有文學。既篡齊。乃置謗木。肺石二函。曰。若有在位莫言而下。欲有言者。投謗木函。若有功勞才器。冤沈莫達者。投肺石函。置五經博士。立州郡學。建孔子

廟以重儒。善政頗多。及其中年。惑于佛教。禁文綺。不得為人獸之形。為其剪裁。有非仁恕。罷宗廟。牲牢。薦以蔬果。犧牲皆以麩為之。為其有累冥道。朝野諠傳。以為宗廟不血食。沈約卧病。夢齊和帝以劍斷其舌。呼道士奏章。稱禪代之事。不由己出。梁主大怒。譴責數四。約益懼。得惡疾而死。帝益信因果。三次捨身于同泰寺。設四部無遮大會。釋御服。持法衣。親為四眾講涅槃經。三慧經。羣臣以錢億萬奉贖。表請還宮。三請乃許。至真佛祖達摩之言。反擯棄不用。達摩渡江而去。蓋帝之所學者。佛中之皮毛。至于收放心。養性靈。真正法門。曾不知學也。同泰寺浮屠災。帝為起十二層浮屠。值侯景亂而止。帝頗好邊功。使其弟臨川王宏伐魏。克梁城。魏遣邢巒與中山王英合兵攻梁城。宏懼。召諸將議旋師。呂僧珍勸之退。魏人為之歌曰。不畏蕭娘與呂姥。但畏合肥有韋虎。韋虎者。韋叡也。會是夜暴風雨。軍中驚。臨川王宏與數騎逃去。將士皆散歸。棄甲投戈。填滿水陸。死者五萬人。魏中山王英與將軍楊大眼乘勝領眾數十萬。進攻鍾離。梁營景宗昌義之隨方抗禦。魏人晝夜苦攻。梁主命韋叡救鍾離。受景宗節度。人畏魏兵眾盛。勸使緩行。叡曰。魏人已墜吾腹中。卿曹勿憂也。遂至邵陵。梁主預救景宗曰。韋叡卿之鄉望。宜善敬之。景宗見叡禮甚恭。梁主聞之曰。二將和。師濟必矣。叡等預裝高艦。與魏橋平。先以艦擊其洲上軍。盡殪。別以小船載草灌膏。焚其橋柵。風怒火盛。煙塵晦冥。死士拔柵斫橋。倏忽俱盡。軍人奮呼。聲動天地。魏軍大潰。英脫身走。大眼等亦焚營去。叡遣報昌義之。義之悲喜。不暇答語。但叫曰。更生更生。魏降將王足獻計。請堰淮水以灌魏壽陽。帝然之。使水工陳末伯將軍祖暉發徐揚民。假康絢都督諸軍事。共二十萬。

人築之。南起浮山。北抵礮石。長九里。下廣百四十丈。上廣四十丈。高二十丈。圍以楊柳軍壘。列居其上。至是淮水暴漲。堰壞。其聲如雷。聞三百里。緣淮城戍村落。十餘萬口。皆漂入海。時東魏西魏分為二。東魏大行臺侯景。右足偏短。弓馬非其所長。而多謀畧。高歡使將兵十萬。專制河南。景素輕高澄。及歡卒。遂以河南降西魏。復遣郎中丁和奉表于梁。請以十三州內附。梁主召羣臣廷議。僕射謝舉等曰。頃與魏通和。今納其叛臣。非宜。梁主曰。得景則塞北可清。豈宜膠柱。先是正月乙卯夜。梁主夢中原牧守。皆以地來降。旦見朱异告之。异曰。此宇內混一之兆也。及丁和至。稱景定計。以正月乙卯夜。梁主愈神之。然意猶未決。嘗言我國家如金甌。無一傷缺。今勿受景地。脫致紛紜。悔之何及。朱异揣知梁主意。遂定議納景。以景為大將軍。封河南王。東魏大將軍高澄遺書于梁。復求通好。帝召羣臣議。司農卿傅峻曰。高澄何事須和。必是設間。欲令侯景自疑。圖禍亂耳。許之。必墮其計。朱异等曰。靜寇息民。和實為便。梁主亦厭用兵。乃從异言。景果為反計。帝弟臨川王宏之子臨賀王正德。所至貪暴。屢得罪于帝。由是憤恨。陰養死士。儲米積貨。幸國家有變。景知之。致牋于正德。請自効。正德大喜。景反于壽陽。引兵臨江。尚書羊侃請以二千人急據采石。令邵陵王襲壽陽。則烏合之眾。自然瓦解。朱异曰。景必無渡江之志。事遂寢。羊侃曰。今茲敗矣。帝以臨賀王正德都督諸軍事。屯丹陽郡。正德遣大船數十艘。詐稱載袂。密以濟景。景自橫江。濟于采石。有馬數百匹。兵八千人。至慈湖。時梁興四十七年。境內無事。罕見兵甲。賊至猝迫。公私震駭。正德守宣陽門。師眾于張侯橋。迎景入宣陽門。至闕下。正德即僭皇帝位。景列兵繞臺城。既匝。百道俱攻。

尚書令羊侃隨方拒守。景亦不能克。侃子鷺為景所獲。執以示侃。侃不為動。會羊侃卒。城中益懼。時諸王大臣各處勤王兵俱集。景偽求和。使梁帝敕止諸路援軍。而攻城益急。帝從釋氏教。食惟菜羹糲飯。至是蔬茹皆絕。乃食雞子。邵陵王綸因使上雞子數百枚。侯景百道攻城。晝夜不息。梁主聞城已陷。安卧不動。歎曰。自我得之。自我失之。亦復何恨。俄而景入。見于太極東堂。以甲士五百自衛。景稽顙殿下。不敢仰視。汗流被面。退謂王僧貴曰。吾嘗跨鞍對陳。矢刃交下。了無怖心。今見蕭公。使人自懼。豈非天威難犯。吾不可以再見之。景以臨賀王正德為大司馬。德謀殺景。景因殺之。景縱兵掠帝宮。人服御殆盡。自後梁主所求多不遂。意飲膳亦為所裁。憂憤成疾。五月丙辰。梁主卧淨居殿。口苦索蜜不得。再曰。荷荷。遂殂。在位四十八年。壽八十六歲。是日太子綱即位。是為簡文帝。初武帝昭明太子統五歲。能通五經。讀書一目五行。俱下。善屬文。孝謹寬和。喜怒不形。以宮監鮑邈之。誣告厭禱事。不能自明。憂憤而卒。生三子。歎譽。譽。武帝舍孫而立太子。母弟晉安王綱為太子。朝野多以為不順。武帝內愧。以岳陽王譽都督雍涼益秦郢隨諸軍事。譽既居形勝之地。折節下士。樹恩百姓。勇俠之士多附之。境內稱治。值侯景亂。時湘東王繹不能討景。乃與譽交兵。邵陵王綸勸之。不聽。譽乞師于西魏。西魏使楊忠救之。譽降魏。為附庸君。是為後梁。待後再序。不題。却說梁簡文帝綱。六歲能屬文。讀書一目十行。俱下。雖承父業。而受制于賊臣侯景。景與帝登重雲殿。禮佛為誓。兩無猜貳。以帝女溧陽公主為妻。請帝禊飲於樂遊苑。帝聞絲竹之聲。悽然泣下。景自稱漢王。加宇宙大將軍。都督六合諸軍事。帝驚曰。將軍乃有宇宙之號乎。景性殘忍。於石頭城立大碓。有犯法者。擣

殺之。化為肉粉。常戒諸將曰。破柵平城。當盡殺之。使天下知吾威名。又禁人偶語。犯者刑及外族。由是百姓不附。梁湘東王繹。移檄遠近。下令大舉討侯景。而兵仍不行。邵陵王綸。大修鎧仗。將討景。湘東王繹惡之。遣王僧辯襲之。綸收散卒。遣使降于齊。梁始興太守陳霸先。討景。投湘東王繹。繹遣大都督王僧辯討侯景。次巴陵。景攻之不克。繹復使胡僧祐擊景。敗之。獲其將任約。景遁。還繹復遣僧辯引兵東下。克郢州。獲景將宋子仙。殺之。初。景克建康。欲待平定中原。然後為帝。後娶滎陽公主。才貌兼全。景殺太子大器等。及王侯之在建康者二十餘人。太子神明端凝。于景黨未嘗屈意。臨難不懼。從容就義。景復使王偉弑帝。迎昭明太子之孫豫章王棟立之。未幾。景廢帝為淮陰王。鎖于密室。自稱漢帝。湘東王繹遣王僧辯。陳霸先等擊侯景。敗景兵于江中。其將盧暉畧以石頭城降。霸先進軍擊景。眾殊死戰。景兵大潰。以皮囊盛其所生二子。掛之鞍後。與其黨百餘騎東走。將入海。羊侃之子鷗。為景都督。殺之。送尸建康。傳首江陵。暴尸于市。士民爭取食之。滎陽公主。以父兄之仇。亦欲食其肉。眾以其陰與之。公主食之。既湘東王繹使朱買臣沉豫章王棟于水。自即帝位于江陵。是為世祖元帝。遣王僧辯還建康。陳霸先還京口。元帝眇一目。性殘忍。先時不赴父難。後亦不奉簡文正朔。忌弟殺姪。惟營己私。踐祚江陵。好談元教。講老子于龍光殿。姪譽鈞連魏伐梁。西魏遣于謹字文護。楊忠將兵五萬伐梁。內外戒嚴。梁主尚戎服。講老子。魏人百道攻城。反者開四門以納魏兵。帝焚圖書十四萬卷。曰。讀書萬卷。猶有今日。遂以素車白馬出降。在位三年。魏人殺之。及太子元良子方諸。方畧等。元帝第九子晉安王方智。自潯陽即梁王位。時年

十三。齊使邢子才納梁武帝兄懿之子淵明于梁。與王僧辯書。以為嗣主幼沖。未堪負荷。貞陽侯淵明。以年以望。堪保金陵。僧辯納淵明即皇帝位。以方智為太子。初僧辯與霸先共滅侯景。情好甚篤。至是霸先遣使爭之。往返數四。僧辯不從。霸先歎曰。武帝子孫唯孝元能復仇雪恥。其子何罪而忽廢之。欲何為乎。遂舉兵襲僧辯。縊殺之。淵明稱帝。凡七月。遜位出就郢。晉安王方智復即皇帝位。是為敬帝。稱藩于齊。政由霸先。在位二年。陳霸先自為相國。封陳公。加九錫。復進爵為王。遂稱帝。梁主禪位于陳霸先。奉梁主為淮陰王。尋弒之。梁主凡四主。共五十六年。陳霸先字興國。吳興人。漢太邱長陳實之後。少有大志。及長。涉獵史籍。好讀兵書。既篡梁國。號陳。是為陳高祖武帝。陳主復信佛。捨身于大莊嚴寺。子昌初在江陵。江陵陷。見虜于魏。陳武帝既即位。請于魏。未得還。在位三年。殂。乃召兄子臨川王倩即位。是為世祖文帝。昌歸。文帝沉之于江。文帝起自艱難。知民疾苦。性明察儉約。每夜刺取聞外事分判者。前後相續。敕傳更籤于殿中者。必投籤于階石之上。令鎗然有聲。曰。吾雖眠。亦令驚覺。在位七年。殂。太子伯宗立。伯宗柔弱。權盡歸于其叔安成王頊。在位二年。頊遂廢伯宗為臨海王而自立。是為高宗宣帝。帝遣吳明徹攻齊。克壽春。擒刺史王琳。斬之。遂取齊昌州徐州等地。已而聞周滅齊。欲爭徐兗等地。遣吳明徹圍周彭城。周遣王軌引兵。威之。眾潰。明徹為周人所執。在位十四年。殂。太子叔寶立。是為長城公。子光昭殿前起臨春。結綺。望仙三閣。各高數十丈。連延數十里。其窓牖欄檻。皆以沉香檀為之。飾以金玉。間以珠翠。外施珠簾。內有寶床寶帳。其服玩瑰麗。近古未有。每微風漸至。香聞數里。其下積石為山。引水為池。雜植

奇花異卉。陳主自居臨春。張貴妃居結綺。龔孔二貴嬪居望仙。複道往來以宮人表大捨等為女學士。時江總雖為宰輔。不親政務。日與尚書孔範散騎王瑳等文士十餘人侍宴後庭。謂之狎客。陳主每飲酒。使諸妃嬪及女學士與狎客共賦詩采。其尤艷麗者。被以新聲。選宮女千餘人習而歌之。其曲有玉樹後庭花臨春樂等。大畧皆美諸妃嬪之容色。君臣酣歌自夕達旦。以此為常。張貴妃名麗華。本兵家女。為龔貴嬪侍兒。髮長七尺。光可鑑。人性敏慧。有神彩。進止閑華。每瞻視盼。目光采溢目。照映左右。善伺人主顏色。帝見而悅之。因得幸。貴妃引薦諸宮女。以悅于帝。百司啟奏。多因宦者以進。陳主置妃膝上共決之。由是宦官宗戚內外連結。貨賂公行。羣臣諫者輒罪斥之。沈后身居儉約。衣服無錦繡之飾。帝過之。素薄。未嘗有所忌怒。惟尋閱書史。數上書諫諍。陳主欲廢之。而不果。時江南妖異特眾。臨平湖草久塞。忽然自開。陳主惡之。乃賣于佛寺為奴。以厭之時。隋已篡周。又滅後梁。後梁者。昭明太子第三子。譽也。梁武帝以譽都督雍涼益秦郢隨諸軍事。侯景之亂。湘東王未能討景。反與譽連兵。譽降西魏。西魏立為梁王。尋為帝資以荊州之地。屯兵守之。奉魏正朔。追尊父統為昭明皇帝。以蔡大寶為侍中尚書令。王操為五兵尚書。大寶嚴整有謀。雅達政事。文辭瞻足。操亦亞之。後梁中興。二人之功居多。後梁宣帝。譽。知人善任。鄉下有恩稱。帝七年殂。子明帝歸。立。孝慈儉約。有人君之量。嗣世二十四年。殂。子琮立。嗣位二年。隋文帝徵琮入朝。廢為莒國公。後梁亡。凡三主。共三十三年。二梁通計八十五年。時隋天下大定。惟陳未下。隋主問取陳之策。于高穎。穎曰。江北地寒。田收差晚。江南水田早熟。量彼收穫之際。微徵士馬。聲言

掩襲。彼必屯兵守禦。足以廢其農時。彼既聚兵。我便解甲。再三若此。彼以為常。後更集兵。彼必不信。猶豫之頃。我乃濟師。攻其無備。自無不克。又江南土薄。舍多茅竹。所有蓄積。莫非地窖。密遣行人。因風縱火。待彼修立。復更燒之。不出數年。自可財力俱盡。隋主用其策。陳人始困。隋主命大作戰船。人請密之。隋主曰。吾將顯行天誅。何密之為。使投其木梯于江。曰。彼若懼而能改。吾復何求。戊申十月甲子。隋命晉王廣。秦王俊。清河公楊素。與韓擒虎。賀若弼等。率兵五十一萬。旌旗舟楫。橫亘數千里。楊素出永安。下三峽。順流東下。陳主以蕭摩訶等為都督。從容謂侍臣曰。王氣在此。齊兵三來。周師再至。無不摧敗。彼何為者耶。孔範曰。長江天塹。虜豈能飛渡耶。帝笑以為然。故不為深備。秦俊縱酒賦詩不輟。己酉正月朔旦。陳主朝會。大霧四塞。于是賀若弼自北道。韓擒虎自南道並進。緣江諸戍。望風盡走。陳主通于蕭摩訶之妻。故摩訶初無戰意。任忠率數騎迎降。引擒虎直入朱雀門。陳主惶遽。自投于井。蓋井傍有穴。穴有地室。積有金銀糧草。謂可避難也。既而軍人窺井。呼之不應。欲下石。乃聞叫聲。以繩引之。驚其太重。及出。乃與張貴妃。孔貴嬪同束而上。執送長安。在位七年。陳亡。凡五主。共三十三年。晉王廣。馳書高穎。令留張麗華。高穎斬之。廣由是恨穎。沈后與叔寶俱入長安。及叔寶卒。沈后每隨煬帝。煬帝被弒。乃為尼而卒。初陳宣帝時。陳州刺史歐陽紇反。陽春太守馮僕之母洗氏。發兵擒送建康。陳封洗氏為石龍太夫人。及陳亡。而陳兩廣嶺南諸郡。奉洗氏為主。保境拒守。號為聖母。晉王廣使陳叔寶為書招之。夫人慟哭。盡日乃降。嶺南悉定。以上兩朝之事。已經序明。其北朝自前秦而後至隋文帝。如何興廢。如何得國。並未及。

序。故下二十四二十五兩回。單序北朝之事。直至二十五回之末。隋文帝滅陳。合天下為一統。然後直接此回。未能遽爾講明。且聽逐漸分解。

第二十四回 索頭魏分齊周北地稱尊

詞曰 六代瓜分世界。五胡雲擾中原。縱橫三百有餘年。幾度交鋒索戰。

馬過生靈齏粉。血流河洛腥羶。耳聞猶自不堪言。有眼休交看見。

却說北朝拓跋氏。本東胡別部鮮卑。漢時李陵之後。世為酋長。至詰汾居匈奴故地。嘗田于山澤。見輜輶自天而下。有美婦人車從甚盛。自稱天女。相與偶而去。明年以所生男授詰汾。是為力微。力微立。部眾寔盛。三國曹魏時。力微遣長子索頭沙漠汗入貢。晉武帝時。復遣入貢。幽州刺史衛瓘表奏留在并州。既而復遣歸國。諸部大人譖殺之。力微年一百四歲卒。子悉祿祿官相繼立。祿官卒。汗次子猗盧立。善用兵。西擊匈奴。烏桓皆破之。與劉琨同破前趙。以前趙未可猝滅。大獵而還。晉懷帝封為代公。愍帝封為代王。猗盧欲立其少子比延。為長子六修所弒。猗盧兄猗佗之子普根殺六修而自立。國中大亂。遂弱。普根卒。國人立其從父鬱律。西取烏孫。東兼勿吉。雄于北方。猗佗妻惟氏忌鬱律之強。恐不利于其子。乃殺之而立其子賀傉。鬱律之子什翼犍幼在襁褓。其母王氏匿于袴中。祝之曰。天苟存汝。則勿啼。久之不啼。乃得免。養于後趙。惟氏專制朝政。賀傉卒。子紇那立。初代王鬱律之子醫槐居于其舅賀蘭部。紇那求之不得。引兵擊之。弗克。賀蘭及諸部大人共立醫槐為代王。紇那奔宇文部。醫槐卒。次弟屈剛猛多詐。諸大人殺之而立其弟孤。孤不

可。自詣趙迎什翼犍。請身留為質。後趙主虎賁而許之。什翼犍立分國之半。以與孤。時代國寢衰。什翼犍雄勇有智。畧國人附之。有眾數十萬。代國復強。後以繼嗣不定。為子實君所弑。代國大亂。前秦主苻堅以兵伐代。取實君車裂之。分代為二部。使劉庫仁劉衛辰統之。賀氏以實君子珪依庫仁。自是代併于前秦。前秦者。略陽臨渭氏蒲洪也。世為西戎酋長。始其家池中生蒲。長五丈。時咸謂之蒲家。因以為氏。洪驍勇多雄畧。羣氏畏服之。初服于晉。後降前趙。後趙遣石虎攻之。洪敗降虎。洪說虎遣關中豪傑及羌氏以實東方。虎從之。徙秦雍豪傑及氏羌十餘萬戶于關東。以洪為龍驤將軍。流民都督。使居枋頭。枋頭者。今北直大名府濬縣西南是也。及石虎卒。石遵篡立。罷洪都督。秦雍流民相率西歸。路由枋頭。共擁洪為主。眾至十餘萬。後趙石鑿畏洪之逼。以洪都督關中秦雍州刺史。洪遂據關右。自稱大都督三秦王。以讖文有草付應王。又以其孫堅字永固。背有草付字。遂改姓苻氏。洪為後趙降將麻秋所鴆。僭王位一年。世子健收秋斬之。據長安。稱天王。一年。稱帝。三年。殂。子生立。生幼少一目。力舉千鈞。手格猛獸。走及奔馬。擊刺騎射。冠絕一時。殘忍好殺。自皇后丞相而下。一言之誤。立死無辜。及應天變。族誅。與酒後被殺者。不可勝數。初秦主健之弟東海王雄。位兼將相。謙恭汎愛。健甚重之。及卒。子堅襲爵。堅性至孝。博學多能。交結豪傑。與呂婆樓等善。生遣堅擊姚襄擒斬之。襄弟長以其眾降。襄長皆姚弋仲之子。弋仲南安赤亭羌人。相傳大舜之後。弋仲服于前趙。後襄降晉。復叛晉而奔平陽。據襄陵。欲圖關中。堅擊斬之。生屢欲殺堅。賴李威營救。始得免。生好剝人面皮。使之歌舞。飲酒無晝夜。乘醉多所殺戮。奇淫異刑。羣臣

得保一日。如度十年。於是薛讚等勸堅為社稷計。堅問尚書呂婆樓。樓請營于里人王猛。堅招猛與語大悅。遂與呂婆樓等帥麾下三百人。鼓譟直進宿衛將士。皆舍仗歸堅。生猶醉寐。生僭位二年。堅殺之而自立。任用王猛。秦大治。秦主堅有圖燕之志。會晉遣桓溫伐燕。燕求救于秦。秦王猛密言于堅曰。燕雖强大。慕容評非溫敵也。若使溫滅燕。則勢愈大。陛下大事去矣。不如與燕合兵。以退溫。溫退則燕亦病矣。我承其敝而取之。不亦善乎。堅從之。遣洛州刺史鄧羌帥步騎二萬以救燕。戰于枋頭。桓溫遁還燕。吳王垂追之。大敗溫兵。垂還鄴。威名益振。太傅評忌之。垂與後妻段氏及子弟姪俱奔秦。秦王堅聞燕太宰慕容恪卒。久有圖燕之志。憚垂威名不敢發。及聞垂至大喜。以為冠軍將軍。秦遣王猛督軍伐燕。克壺關。所過郡縣望風降附。燕人大震。燕長史申孕歎曰。鄴必亡矣。然越得歲而吳伐之。卒受其禍。今福德歲星在燕。秦雖得志而燕之復建不過一紀耳。秦王猛入晉陽。大敗慕容評於潞州。遂圍鄴。燕散騎侍郎徐蔚夜開北門納秦兵。燕主暉與慕容評奔龍城。秦追獲之前。燕亡。王猛知慕容垂必不能久為人下。數勸堅除之。而慕容垂後夫人段氏有絕色。得幸於堅。堅每與之同輦遊後庭。故不納王猛之言。而任垂以兵柄。有加。後垂得志。以段氏為后。秦伐晉。取成都。于是晉涼益三州入于秦。涼公張天錫荒於酒色。秦遣苟萇。姚萇將兵滅之。又滅代。于是高句麗。新羅。西南夷皆朝于秦。秦清河侯王猛寢疾。秦王堅親至其第視疾。問以後事。猛曰。晉雖僻處江南。然正朔在晉。願勿以晉為圖。鮮卑慕容氏。西羌姚氏。我之仇敵。終為大患。宜漸除之。言訖而終。堅謂太子宏曰。天不欲使我平一六合耶。何奪吾景略之速也。景略猛

字也。時秦已併吞各國。惟晉未下。欲大舉滅晉。羣臣諫者皆不聽。堅所幸張夫人與幼子詵皆諫。堅曰。軍旅之事。非婦人孺子所知。遂統百萬之眾。大舉伐晉。為晉謝石謝元等所破。諸軍皆潰。惟慕容垂所將三萬人獨全。堅以千餘騎赴之。垂世子寶與其弟德皆請殺堅以復燕。垂曰。我昔為太傅。所不容置身無所。秦主以國士遇我。恩不可忘。悉以兵授堅。堅收集離散。北至洛陽。眾十餘萬。慕容農勸垂乘機復燕。垂善其言。行至澠池。會北狄丁零國翟斌作亂。垂言于堅。請奉詔鎮撫北方。堅許之。權翼石越等言。垂必為亂。堅不聽。曰。朕已許之。何可食言。苟有此亦天命也。長樂公丕乃給以羸兵敝鎧。又遣符飛龍帥氏騎一千為之副。垂行至南陽。夜襲飛龍兵盡殺之。而與翟斌兵合。垂自稱燕王。是為後燕。遣使如鄴。告慕容農等起兵相應。以弟德為車騎大將軍。封范陽王。帥眾二十餘萬。長驅向鄴。慕容農起兵于列人。眾至數萬。長樂公丕使石越將兵討之。農大敗。秦兵斬越。于是人情騷動。盜賊羣起。垂至鄴。農引兵會之。遂進攻鄴。燕慕容泓起兵華陰。慕容冲起兵平陽。秦主堅謂權翼曰。不用卿言。使鮮卑至此。關東之地。吾不復爭。將若泓何。乃遣符叡都督諸軍。以姚萇為司馬。討之。泓懼。將奔關東。叡馳兵邀之。姚萇諫曰。鮮卑皆有思歸之志。故起為亂。宜驅令出關。鳴鼓隨之。彼將奔敗。不暇矣。叡弗從。與戰。果敗。見殺。萇遣其長史詣堅謝罪。堅怒殺之。萇懼。奔渭北。糾煽羌豪五萬餘眾。推萇為盟主。萇自稱秦王。是為後秦。羌胡降者十餘萬。秦竇衝擊慕容冲于河東。冲奔慕容泓。泓眾十餘萬。進向長安。泓謀臣高蓋殺泓。泓僭王位一年。蓋立冲為皇太弟。承制行事。置百官。未幾。稱帝于阿房。是為西燕。冲頗有自得之志。賞罰任情。慕容

盛曰。十人之長亦須才過九人。中山王才不逮人。而驕已甚。殆難濟乎。西燕主沖攻長安。秦主堅身自督戰。飛矢滿體。血流淋漓。沖縱兵大掠關中。士民流散。千里無烟。堅大懼。以讖書云。帝出五將。久長得。乃留太子宏守長安。自出奔五將山。沖入長安。後秦主萇聞堅出奔。遣驍騎將軍吳忠帥騎圍五將山。秦兵皆敗走。堅神色自若。忠執之。萇遣人弒堅于新平佛寺。在位二十九年。堅庶子長樂公丕將西赴長安。至晉陽。始知長安不守。堅已死。乃發喪即位。傳檄四方。討慕容垂。姚萇。闕隴諸郡復起為秦。西燕左將軍韓延殺西燕主慕容沖。沖僭位一年。而立沖將段隨為燕主。慕容永襲段隨破之。率鮮卑男女去長安而東。眾推永為河東王。于是長安空虛。後秦主姚萇自安定入長安。即皇帝位。國號大秦。西燕慕容永既去長安。擊秦主丕于鄴。殺之。丕嗣位一年。永遂進據長子。即帝位。將以秦后楊氏為夫人。楊氏引劍刺之。不克。為永所殺。永僭位九年。後燕主垂攻西燕。執慕容永。斬之。西燕亡。凡三主。共十一年。前秦南安王登聞丕被殺。發喪即位。戎夏歸之者十餘萬。伐後秦。所向無前。秦主登擊安定。後秦主萇破其輜重。掠男女五萬口。登后毛氏美而勇。善騎射。兵入其營。猶彎弓跨馬。帥壯士力戰。殺七百餘人。眾寡不敵。為後秦所執。萇將納之。毛后哭且罵曰。姚萇汝已殺天子。又欲辱皇后。皇天后土。豈容汝耶。萇殺之。萇疾甚。還長安。謂太子興曰。汝撫骨肉之恩。接大臣以禮。待物以信。遇民以仁。四者不失。吾無憂矣。僭位八年卒。世子興祕不發喪。自稱大將軍。帥師伐前秦。擊前秦主登。殺之。登嗣位八年。殂。太子崇立奔湟中。興乃發喪即位。前秦主崇在湟中。為西秦主乞伏乾歸所逐死。前秦亡。凡六主。共四十五年。後秦主興存。

問孤貧。恤刑獄。進賢退不肖。其貪殘者誅之。遠近肅然。興在位二十二年。殂。長子泓立。泓懦弱多病。僭位二年。晉太尉劉裕滅之。後其地為夏主赫連勃勃所得。其西秦主乞伏乾歸先世為乞伏部主。服于趙。及趙亡。服于前秦。自苻堅之敗。乾歸兄國仁起兵叛秦。據涼州臨洮河州。僭王位一年。殂。子公府尚幼。群臣立其弟乾歸。乾歸殺前秦主崇。盡有隴西之地。僭王位十五年。為國仁子公府所殺。乾歸子熾盤誅公府而自立。僭王位十六年。殂。子暮末立。僭王位四年。夏主赫連定攻之。暮末窮蹙。輿櫬出降。夏主定殺之。及其宗族五百人。西秦亡。凡四世。共四十七年。夏國者。匈奴右賢王去卑之後。劉武於前趙劉聰時。以宗室封樓頌公。拜安北將軍。雄據肆盧川。武生豹子。豹子生劉衛辰。前秦主苻堅因代國之亂。分代為二部。自河以北屬劉衛辰。屯代來城。及堅敗。秦亂。遂有朔方。今陝西寧夏等地。魏主拓跋珪伐之。衛辰敗。為其下所殺。魏誅其宗黨五千餘人。投尸于河。衛辰少子勃勃奔薛干部。薛干送勃勃于前秦驃騎將軍沒奕干。奕干以女妻之。降于後秦。後秦主興見勃勃而奇之。以為安北將軍。使鎮朔方。秦魏通好。勃勃大怒。遂叛秦。襲殺沒奕干。併其眾。自謂夏后氏之苗裔。自稱大夏天王。改姓赫連氏。秦主興自將擊之。勃勃掩其不備。秦兵大敗。勃勃築都城于黑水之南。名曰統萬。今甯夏衛是也。晉太尉劉裕伐後秦。既滅後秦。而歸勃勃。以兵取其地。而國始大。勃勃性驕虐。視民如草芥。凡造兵器。成呈之。工人必有死者。箭射甲。不入。則斬為弓矢者。入則斬甲匠。由是器物皆精利。勃勃僭位十八年。殂。子昌立。僭位三年。魏太武帝燾伐夏。克夏都統萬城。夏主有三女。皆絕色。魏主皆納為貴妃。夏主奔上邽。以兵來攻。安定城親

自搏戰軍士識其貌爭赴之。夏主昌敗走。馬蹶被擒。送平城。魏主以女故善遇之。以妹始平公主妻之。封為秦王。夏主昌弟平原王定奔平涼稱帝。僭號四年。魏太武帝襲平涼克之。以夏主定之后賜豆代田。夏主中重創。單騎走上邽。夏主畏魏之逼。整兵擊西秦。敗之。西秦王乞伏暮末與觀出降。夏主殺之。及其宗族五百人。又欲濟河擊北涼王蒙遜。而取其地。吐谷渾王遣兵擊敗之。執夏主定以歸。送于魏。夏亡。凡三主。共二十五年。其後秦西秦夏已經序明。請再序後燕及北燕事。迹却說後燕慕容垂既叛。前秦苻堅復前燕舊業。乃定都中山稱帝。翟斌恃功驕恣。邈求無厭。復與前秦苻丕通。垂殺之。魏主拓跋珪叛燕。燕主垂遣太子寶伐之。大敗而還。垂因大舉自將襲魏。克平城而玉至上谷。而殂。僭位十二年。太子寶立。魏主珪從井陘趨中山。擊信都。燕主寶悉出珍寶及宮人。募群盜以擊魏。夜襲魏師。大敗奔還。尚書郎慕容與皓謀弑寶。而立寶弟趙王麟。不克。奔魏。麟由是不自安。遂作亂。燕主寶出走。城中立開封公祥為主。麟殺之。而自立。魏克中山。慕容麟奔鄴。麟說范陽王德南徙滑台。魏遂取鄴。麟上尊號于德。德前燕主皝之子也。用兄垂故事。稱燕王。尊稱帝。更名備德都廣國。今山東青州府是也。是為南燕。麟後謀反。德殺之。備德僭位七年。殂。無子。以兄子超為嗣。超僭位六年。猜虐日甚。政出權倖。晋太尉劉裕滅之。斬于建康市。南燕亡。凡二主。共十三年。燕主寶在龍城。龍城今北直永平府是也。欲調兵復取中原。子長樂王盛諫不聽。行至乙連。長上段速骨因眾心憚征役。遂作亂。寶奔還龍城。尚書蘭汗潛與速骨通謀。誘殺遠。西王慕容農速骨入城。縱兵太掠寶。盛皆輕騎南走。蘭汗遣使迎寶。寶以汗燕主垂之舅。而盛妃

之父。謂必無他。遂行。盛泣諫不聽。盛乃與將軍張真下道避匿寶去龍城四十里。汗遣弟加難弑之。并殺太子策。自稱昌黎王。盛欲赴哀。張真止之。盛曰。今我窮困歸汗。汗性愚淺。必不殺我。旬月之間。足以展我志矣。遂往見汗。汗妻乙氏及盛妃皆涕泣請盛。汗乃舍之。待之如初。盛內則離間其兄弟。外則潛結黨。與汗與加難治兵相攻。引李旱張真為腹心。旱真盛所素厚也。因汗醉。盛輸垣入。與李旱張真等誅汗。內外帖然。盛下令即位。自貶號曰庶人。天皇務峻威刑。人不自保。前將軍段機等作亂。盛帥左右討之。被傷而殂。僭位四年。中壘將軍慕容拔等。白丁太后以國多難。宜立長君。乃廢太子迎垂少子河間公熙立之。熙納故中山尹苻謨二女。長曰娥。娥為貴人。次曰訓。英為貴嬪。皆有絕色。熙極寵愛之。丁太后怨恚。熙逼殺之。娥年二。熙以訓英為后。作龍騰苑。方十餘里。築景雲山高十七丈。起道遙宮。連房數百。與苻后遊宴其中。頃刻不能離。及后卒。熙哭之。絕而復蘇。大殮既訖。復啟其棺。與之交。接。斬哀食粥。百官哭無涕者罪之。及葬。喪車高大。毀北門而出。熙披髮徒跣。步送二十餘里。初燕中衛將軍馮跋得罪於熙。命山澤。至是因民之怨。潛入龍城。及熙出送葬。與左衛將軍等作亂。推夕陽公雲為主。閉門拒守。熙軍無故驚散。熙微服匿林中。為人執送雲。併其諸子殺之。熙僭位七年。雲遂即天王位。復姓高氏。後燕人。凡四世。共二十四年。前後二燕。通共八十八年。高雲僭天王位三年。為幸。臣離班桃仁所弑。眾斬班仁。推馮跋為主。是為北燕。跋勤於政事。輕徭薄賦。慎擇守宰。燕人悅之。僭位二十二年。及病篤。命太子翼攝國事。勒兵聽政。宋夫人欲立其子受居。謂翼曰。上疾將瘳。奈何。遽欲代父臨天下乎。翼性仁弱。遂還東。

宮。宋夫人矯詔。絕內外謀立受居。跋弟中山公宏。帥甲入禁中。宿衛皆散。夫人命閉東閣。宏家僮踰閣而入。射殺女御。跋驚懼而殂。宏遂即天王位。太子翼帥東宮兵出戰而敗。為宏所殺。跋有子百餘人。宏皆殺之。魏太武帝壽。數伐燕。燕主宏屢敗。失地魏。拔燕白狼城。宏奔高麗。後為高麗所殺。宏僭位六年。而為魏所滅。北燕凡二世。共二十八年。諸燕之事已經序完。請得而序諸涼之事。初。前秦主苻堅。以呂光為驍騎將軍。總兵十萬。鐵騎五千。伐西域。光略陽氏人。字世明。齊太公呂尚之後。呂婆樓字廣平之子也。光等領兵行。越流沙三百餘里。焉耆等國皆降。龜茲王帛純嬰城固守。求救于獯胡。獯胡王遣騎及諸國兵合七十餘萬以救之。光大破之。帛純出走。光入其城。城如長安。市邑宮室甚盛。光撫甯西域。恩威甚著。遠方諸國。前世所不能服者。皆來歸附。光以龜茲饒樂。欲留居之。天竺沙門鳩摩羅什曰。此不足留。將軍東歸。自有福地可居。光乃以駝二萬餘頭。載外國珍寶奇玩。驅駿馬萬餘而還。秦涼州刺史梁熙。謀閉境拒之。光擒斬熙。入姑臧。自領涼州刺史。郡縣皆降。呂光得秦主堅凶問。舉軍縞素。大赦改元。自稱三河王。尋稱天王。國號大涼。以禿髮烏孤為河西都統。烏孤破涼。取金城。自稱平西王。是為南涼。涼尚書沮渠蒙遜。叛據金山。建康太守段業。叛後涼。蒙遜以眾歸之。是為北涼。此建康在陝西行都司高台千戶所。呂光疾甚。立太子紹為天王。自號太上皇帝。以庶長子太原公纂為太尉。常山公宏為司徒。戒之曰。汝兄弟輯睦。則祚流萬世。若內自相圖。則禍不旋踵。遂殂。僭位一十四年。太子紹立。呂光弟寶之子超。謂紹曰。纂為將多年。觀其舉止。必將為變。請早除之。紹曰。先帝言猶在耳。縱其圖我。我視死如歸。終不

忍為此紹立方五日。庶兄纂及其弟宏。夜帥壯士攻廣夏門而入。呂超帥卒二千赴難。大潰。超奔廣武。紹自殺。纂即天王位。呂超自廣武上疏陳謝。纂復其爵位。又以宏為大司馬。宏以功高地逼。遂以東苑兵作亂。纂擊破之。宏將奔南涼。呂方執送。纂斬之。纂縱兵大掠。悉以東苑婦女賞軍。而宏之妻女亦在其中。纂嗜酒好獵。與呂超等飲于內庭。超兄隆數勸纂酒。纂大醉。超取劍刺之。洞胸而死。僭位三年。纂后楊氏命禁兵討超。杜尚止之。皆舍仗而降。超遂推其兄隆即天王位。楊氏有美色。超將納之。后大罵盡節而死。後涼主呂隆多殺豪望。人不自保。焦朗等使人說後秦主姚興遣兵自金城濟河直趨姑臧。呂超等逆戰大敗。南涼主儁檀及北涼沮渠蒙遜互出兵攻呂隆。隆降于後秦主姚興。僭位三年。後與其子弼以謀反誅。後涼凡四世。共一十八年。其自後涼分據者有南涼禿髮氏禿髮之先。河西鮮卑也。與拓跋魏同祖。西晉武帝時禿髮樹機能臨涼州。武帝以馬隆為武威太守擊破之。樹機能為部下所殺。從弟務丸立。務丸卒。子椎斤立。椎斤年一百一十歲卒。子思復鞬立。思復鞬卒。子烏孤立。雄勇有大志。呂光據涼。拜烏孤為冠軍大將軍。河西鮮卑大都統封廣武公。未幾叛涼。取金城。金城即今臨洮府蘭州是也。烏孤徙治樂都。自稱平西王。湟河澆河太守皆以郡降。嶺南羌胡數萬落皆附焉。烏孤僭王位三年。因醉走馬傷脅而殂。弟禿髮利鹿孤立。利鹿孤僭王位三年。殂。弟禿髮儁檀立。儁檀王位十三年。吐谷渾乙弗等部皆叛。儁檀討之。西秦王乞熾盤龍樂都。以儁檀歸。儁檀降于熾盤。熾盤鳩殺之。南涼亡。起烏孤。凡三世。共十八年。其自後涼分據者。又有北涼。北涼沮渠之先。世為匈奴。左沮渠王。因以官為氏。世為部。

曲。後涼王呂光以沮渠羅仇為尚書。從伐西秦而敗。仇弟麴粥勸仇背涼。仇不從。仇與粥皆見殺。仇弟之子蒙遜。雄傑有策略。涉獵書史。以其喪歸葬。會者萬餘人。蒙遜哭謂眾曰。呂王無道。多殺不辜。今欲與諸部雪二父之恥。復上世之業。何如。眾稱萬歲。遂結盟起兵。攻涼臨松郡。拔之。屯據金山。蒙遜從兄男成說太守段業叛涼。推業為涼州牧。蒙遜帥眾歸之。業自稱涼王。以蒙遜為尚書左丞。是為北涼。北涼主段業。憚蒙遜勇略。蒙遜深自晦匿。蒙遜素憚索嗣馬權男成。皆譖殺之。遂舉兵反。業使將軍田昂擊之。昂以眾降業。左右皆散。蒙遜殺之。擢任賢才。文武咸悅。伐南涼。南涼主傳檀奔樂都。蒙遜拔姑臧徙都之。自稱河西王。又滅西涼。蒙遜僭位二十九年。殂。世子菩提幼弱。國人立其庶長子牧捷為河西王。魏太武帝燾以其妹武威公主妻牧捷。牧捷之嫂李氏有殊色。牧捷兄弟三人。遞傳而爭嬖之。李氏與牧捷之姊共毒魏公主。魏主遣醫乘傳救之。得不死。魏主徵李氏。牧捷不與。魏主伐涼。姑臧城潰。牧捷出降。僭位七年。後為魏主所殺。北涼亡。起段業。凡三主。共三十九年。其起滅于北涼者。有西涼李暠。暠字元盛。燉煌胡人。漢前將軍李廣之後。好文學。有令名。北涼主段業以為燉煌太守。都督鎮西將軍。尋叛北涼。自稱西涼公。取沙州秦州涼州等地。取酒泉徙都之。酒泉今肅州衛是也。暠僭位十八年。殂。其後七世孫為唐高祖世子啟立。啟僭位四年。北涼主蒙遜欲取西涼。詐引兵攻秦。而潛還師以待之。西涼主啟果將步騎三萬襲北涼。北涼主蒙遜擊殺之。啟弟燉煌太守李恂等奔北山。蒙遜以索元緒為燉煌太守。初李恂在燉煌。有惠政。索元緒粗險好殺。大失人和。郡人逐元緒。密信召恂。推恂為燉煌王。北涼主築隄壅

水以灌燉煌。李恂自殺。僭位一年。蒙遜屠燉煌。西涼亡。凡三世。共二十二年。此外又有仇池。東漢獻帝時。略陽清水氏楊駒始居仇池山。在陝西鞏昌府成縣西北百里。其城天然。石角外向。如雉堞然。地方百頃。其傍平地二十餘里。四面斗絕。為羊腸蟠道。三十六回而上。三國時。駒孫楊千萬附于曹魏。魏封為百頃王。傳楊飛龍。楊茂搜。楊難敵。楊毅。楊初。楊國。楊俊。楊世。楊纂。楊安。楊定。楊盛。盛聞晉亡。不改義熙年號。謂世子元曰。吾老矣。當終為晉臣。汝善事宋帝。盛卒。元立。元卒。弟難當立。降于元魏。魏封為南秦王。再傳楊保宗。楊文德。楊元和。楊僧嗣。楊文度。楊文宏。楊後起。楊集始。楊紹先。時楊集起。楊集義等立紹先為帝。以叛魏。魏梁秦二州刺史邢巒擊破之。執送洛陽。滅其國。仇池亡。起漢獻帝。終梁武帝。凡二十五世。共二百八十七年。五胡諸國。今已講完。請得而再序北朝元魏之事。却說北朝元魏初為代國。自前秦主苻堅滅代。分之為二。使劉庫仁劉衛辰統之。衛辰之後為夏國。見前不贅。庫仁招撫離叛。思信並著。拓跋珪之母竇氏。以珪走依庫仁。庫仁事珪恩勤周備。不以廢興易意。嘗謂諸子曰。此兒有高天下之志。必能恢隆祖業。汝曹當謹遇之。及前秦國亂。諸部大人共推拓跋珪為主。大會于牛川。即代王位。自代滅後。至是十年而復興。牛川即今直隸萬全都司懷來衛是也。珪務農息民。國人悅之。改國號曰初。服於後燕。後與魏絕。破柔然。獲馬三十餘萬。牛羊四百餘萬。國用遂饒。又破後燕。而取其地之半。遷都平城。稱帝。是為太祖道武帝。襲高車。破其眾三十餘部。獲馬三十餘萬。諸部大震。復敗後秦之師。魏遂為強國。置五經博士。增國子太學生員三千人。珪問博士李先曰。天下何物可以益人神智。對曰。莫如書籍。

珪遂命郡縣大索書籍悉送平城初珪納劉頭眷女寵冠後庭生子嗣即明元帝及克中山獲燕
主寶幼女又寵之將立后用其國故事鑄金人以卜之慕容氏像成遂立為后珪又見賀太后之
妹美請納之太后曰不可是過美且已有夫珪密令人殺其夫而納之生清河王紹光狼無賴時
珪服餌丹藥躁怒無常因怒殺人無算欲立齊王嗣為太子魏故事欲立嗣子先殺其母乃賜嗣
母劉貴人死召嗣諭之嗣性孝哀泣不自勝珪怒嗣還舍日夜號泣珪復召之左右曰上怒甚入
將不測不如且避之嗣乃逃匿于外惟帳下車頭王洛兒隨之珪又以事譴責賀夫人將殺之夫
人密求救于其子紹先是有神巫嘗誡珪當有暴禍惟誅清河殺萬人乃可免珪乃殺清河一郡
常手自殺人欲令滿萬厭之珪寢處人莫能知惟愛妾名萬人者知之清河王紹年十六萬人與
之私通至是紹欲救母弑父令萬人為內應紹踰垣入宮弑珪珪臨死曰清河萬人之言乃汝等
耶太武帝在位二十二年嗣在外聞變遣王洛兒夜入平城告將軍安同等眾翕然奉迎衛士執
紹送嗣并賀氏及萬人等為內應者皆鬻食之乃即位是為太宗明元帝任用崔浩勸課農桑
人民安富有事于太廟助祭者數百國在位十五年殂太子燾立是為世祖太武帝仍用崔浩魏
主為人壯健鷲勇臨城對陣親犯矢石左右死傷相繼神色自若將士畏服咸盡死力明于知人
或拔于卒伍之中聽察精微下無遁情賞不遺賤罰不避貴由是兵甲強盛戰無不克滅夏滅北
燕滅北涼取仇池北朝諸國皆併于魏又平西域及柔然高車等國除江左南朝外居然一統振
興文學墾田積粟魏國大治惜其不念崔浩之功以其作史暴揚國惡誅及其族為少過耳太武

帝以太子是監國中常侍宗愛構之是以憂卒。魏主追悼太子不已。宗愛懼誅遂弒太武帝而立
帝子南安王余。太武帝在位二十九年。未幾宗愛復弒余。尚書源賀陸鹿等勒兵誅愛。奉太子是
之子皇孫濬即位。是為高宗文成帝。任用高允靜以鎮之。懷集中外。魏國大治。立子宏為太子。使
其母李貴人條記所事。付託兄弟。然後依故事賜死文成帝。在位十四年。殂。獻文帝宏立。年方十
三。馮太后臨朝稱制。雖淫亂而能用高允。魏國無事。魏主李夫人生子宏。馮太后自撫養之。遂
還政于獻文帝。帝始親政。剛毅有斷。勤于政事。賞罰嚴明。援清節。黜貪污。魏國稱治。因好黃老浮
屠之學。傳位于太子宏。自號太上皇帝。子孝文帝宏立。生方五歲。幼有至性。顯祖病癰。宏親為吮
之。及受禪。悲不自勝。顯祖問其故。對曰。代親之感。內切于心。羣臣奏曰。今皇帝幼沖。萬機大政。猶
宜陛下總之。顯祖從之。初太上嫡母馮太后。秦辛李奕。太上怒。因事殺之。馮太后由是恨太上。密
鴆殺之。在位六年。在太上位。又五年而被弒。高祖孝文帝宏即位。馮太后復臨朝稱制。太后聰察
知書。計曉政事。多權數。減膳羞。被服儉素。然性淫。每多外交。魏主宏性至孝。承顏順志。事無大小。
皆仰成焉。太卜令獻得幸于馮太后。遷尚書令。爵中山王。至是病。太后屢至其家。及卒。贈謚立廟。
文士作誄者百餘人。及葬。自稱姻舊。哀經哭送者千餘人。魏主以叡子代為尚書令。太后自以失
行。畏人議。已群下語言稍涉疑忌。輒殺之。太后前後臨朝。凡二十五年。殂。孝文勺飲不入于口者
五日。哀毀過禮。初太后忌孝文英敏。恐不利于己。盛寒閉之冷室。絕食三日。欲廢之。而立咸陽王
禧。東陽王丕等固諫。乃止。魏主初無憾意。惟深德丕等。又有宦者譖魏主于太后。太后杖魏主數

十。至是亦不追問。魏咸陽公高允卒。允歷事五帝。卒年九十八歲。孝文帝始禁同姓為婚。拜祀周公孔子。行養老禮。以平城地寒。風沙常起。乃遷都洛陽。改姓元氏。初定族姓。興禮樂。變華風。禁胡語。求遺書。立國子太學。四門小學於洛陽。魏主好讀書。手不釋卷。善屬文。多于馬上口占。既成。不更一字。自太和十一年以後。詔策皆自為之。好賢樂善。情如飢渴。所與遊接。常寄以布素之意。友愛諸弟。始終無間。精勤庶務。從善如流。制禮作樂。蔚然可觀。有三代之風焉。魏主宏連年在外。后馮氏私于幸臣高菩薩。魏主還收菩薩等誅之。而不忍廢后。時魏主因禦齊師得勝。疾甚而還。至穀塘原。以嗣子恪托其弟司徒彭城王勰。勰慮權寵震主。取罪必重。涕泣固辭。魏主手詔太子曰。汝叔父勰。清規懋德。松竹為心。吾百年後。其聽勰辭。蟬冕遂其沖挹之性。又謂勰曰。後宮久乖陰德。吾死後。可賜自盡。葬以后禮。遂殂。在位二十九年。太子恪至魯陽。遇梓宮。乃發喪即位。是為世宗。宣武帝。嬖倖擅權。憚臣趙邕。及外戚高肇等用事。魏政始衰。高肇怒彭城王勰。數譖于魏主。誣以謀反。以酒毒殺之。舉朝莫不畏氣。魏主立子詡為太子。詡胡貴嬪所生也。魏自是不殺太子之母。宣武帝在位十六年。殂。子肅宗孝明帝。詡立。胡太后臨朝稱制。太后聰悟。好讀書。善屬文。射能中針孔。政事皆手筆自決。作永甯寺浮屠。高九十九丈。極土木之美。僧房千間。珠玉錦綉。駭人心目。遣比邱慧生如西域求佛書。慧生出魏境西行二年。至乾羅國。得佛書一百七十部而還。胡太后裁。故正宮高太后。以尼禮葬之。帝叔太傅清河王懌。美風儀。胡太后逼而淫之。然懌素有才能。輔政多所匡益。侍中元義。衛將軍劉騰。恃寵擅權。懌每裁抑之。義騰誣懌欲毒殺魏主。閉永巷門。太

后不得出。執擇殺之。還政魏主。幽太后于北宮。魏主不得省見。太后不免飢寒。義遂輔政。與騰表裏擅權。義嗜酒好色。貪吝寶賄。牧守長令。率皆貪污。百姓窮困。人人思亂。及劉騰死。魏主與太后左右防衛稍緩。母子仍得相見。太后定計。使義解兵權。復臨朝攝政。因賜元義死。胡太后自再臨朝以來。頗事妝飾。數出遊。神軌徐紇等。俱得幸于太后。鄭儼尤為得幸。使領尚食典御。晝夜在禁中。每休沐。太后常遣宦者隨之。儼見其妻。惟得略言家事而已。嬖倖用事。政事縱弛。盜賊蠭起。葛榮肆亂。國號齊。封疆日蹙。國用耗竭。討虜大都督爾朱榮。兵勢強盛。魏朝憚之。魏主年寔長。太后自以所為不謹。凡魏主所親信者。輒以事去之。于是母子之間。嫌隙日深。魏主及鄭儼徐紇等。逼于太后不能去。密詔爾朱榮舉兵內向。威逼脅太后。榮以高歡為前鋒。行至上黨。魏主復以私詔止之。鄭儼徐紇恐禍及。陰與太后謀。酖魏主。宣武帝在位十六年。殂。立皇子為帝。既而下詔曰。潘嬪所生。實皇女也。故臨洮王寶暉世子釗。高祖之孫。可立。遂迎釗即位。年方三歲。爾朱榮聞之。抗表領兵赴闕。立彭城武宣王勰之孫子攸為帝。是為敬宗。孝莊帝。以榮都督中外諸軍事。封太原王。李神軌。鄭儼。徐紇等。皆遠遁。太后及後宮皆落髮為尼。榮遣騎執胡太后及幼主釗。沉之于河。殺王公以下二千人。爾朱榮之女。先為孝明帝嬪妃。至是榮欲魏主納為后。魏主從之。榮甚悅。爾朱榮討葛榮擒之。奠定滄瀛。殷五州皆平。榮雖身居外藩。遙制朝政。敬宗外逼于榮。內迫于后。怏怏不樂。唯幸寇盜未息。與榮相持。及榮告捷。殊不喜。因密有圖榮之意。乃用陽城王徽之計。聲言皇太子生。榮遂與元天穆俱入朝賀喜。光祿少卿魯安。典御李侃。晞等。俱抽刀入。榮起趨御座。魏主

先橫刀子膝遂手刃之併殺天穆及榮子菩提等。赦其餘黨。內外喜譟。百僚入賀。是夜榮從弟世隆帥榮部曲焚西陽門。出屯河陰。索太原王尸。北遁。榮姪北開榮死。自汾州帥騎據晉陽。世隆至。長子北來會之。推立太武帝五世孫長廣王暉為帝。大赦改元。北以輕兵倍道兼行。從河橋西渡。直叩宮門。宿衛乃覺。彎弓欲射。矢不得發。一時散走。北騎執魏主。鎖于永甯寺樓上。在位二年。北縱兵大掠。撲殺皇子。汙辱嬪妃公主。殺臨淮王彧等。魏主寒甚。就北求頭巾。北不與。尋縊殺之。爾朱世隆兄弟。以長廣王暉疏屬。欲更立親近。以從人望。乃廢暉。在位一年。而更立獻文帝之孫廣陵王恭。是為節閔帝。初葛榮之亂。部眾流入并肆者二十餘萬。謀亂不止。爾朱兆患之。問計于高歡。歡曰。宜選王腹心使統之。兆即以其眾委歡。以為冀州刺史。歡自此得兵柄。不可復制矣。魏河北大使高乾與其弟教曹起兵討兆。高歡起兵屯壺關。聲言欲討乾。乾潛往謁之。說歡討兆。時趙郡太守李元忠亦說歡討兆。歡大悅。起兵討爾朱氏。立太武帝元孫渤海太守元朗為帝。自為丞相。縱反間計。使爾朱世隆兄弟與兆互相猜疑。歡遂進戰。大破兆軍。歡又進擊爾朱兆等于鄴。復大破之。兆自殺。盡滅爾朱氏之黨。遂幽節閔帝于崇訓佛寺。尋弒之。在位二年。歡又以元朗疏屬。乃廢朗。朗在位一年。而立孝文帝之孫平陽王修。是為孝武帝。雍州刺史賀拔岳遣司馬宇文泰詣晉陽。觀高歡之為人。歡奇其狀貌。將留之。泰固求復命。歡乃遣之。還謂岳曰。歡之所以未篡者。正憚公兄弟耳。宜潛為之備。岳大悅。以夏州被邊要重。乃表用泰以鎮之。未幾岳為陳悅所殺。泰討殺悅。而代領岳眾。魏大丞相高歡舉兵反。中軍將軍王思政言于魏主曰。高歡之心。昭然可

知字文泰乃心王室。今往就之。還復舊京。何慮弗克。魏王從之。以五千騎西赴長安。秦備儀衛迎帝。謁見于東陽驛。魏主遂入長安。以秦為尚書令。軍國之事。咸取決焉。魏主下制數高歡罪惡。召荊州刺史賀拔勝赴行在所。勝遲疑不決。後竟奔梁。高歡勒兵追魏主。修不及。遂還洛陽。集百官耆老。立孝文帝。曾孫清河世子善見為帝。是為孝靜帝。北遷都鄴。時謂之東魏。魏主修至長安。未幾復與字文泰有隙。飲酒遇鴆而死。在位三年。秦立孝文帝。孫南陽王寶炬即位。都長安。是為西魏。文帝自是而東。魏西魏分為二矣。右魏自拓跋力微至什翼犍國號代。凡十三主。起漢獻帝庚子。至東晉孝武帝丙子。共一百五十七年。而滅于秦。又自道武帝拓跋珪再建國。起改號魏。至梁武帝癸丑。共一百五十七年。而分。其後東魏篡于齊。西魏篡于周。欲知後事如何。且聽下回分解。

第二十五回 周併齊隋篡周平陳一統

詩曰 十遇征夫九皺眉 忘餐廢寢有誰知 中宵破夢兜鈴舉 頓飯驚心戰馬嘶

翦髮接繩穿斷白 折衣抽線補殘旗 風流宰相龍樓宴 翠袖雙扶下玉梯

却說東魏高歡字賀六渾。檮人。今直隸河間府景州是也。在杜洛周黨中。逃奔葛榮。既而亡歸爾朱榮。爾朱兆授以兵柄。封為渤海王。高歡既滅爾朱兆。又逼魏主修奔字文泰軍。歡立清河世子善見為帝。以洛陽逼近西魏。乃遷都鄴。高歡多在晉陽。遣其世子澄在鄴輔政。歡因字文泰先殺其將竇泰。將兵至沙苑。西魏諸將皆懼。宇文深獨曰。歡鎮撫河北。甚得眾心。未易卒圖。今懸師渡河。可一戰擒也。西魏字文泰迎戰于渭曲。東魏望見西魏兵少。爭進擊之。無復行列。泰鳴鼓。士皆

奮起合戰。李弼等率鐵騎橫擊之。東魏兵中絕。遂大敗。歡乃馳去。秦還軍渭南。乃于戰所。人種柳一株。以旌武功。高歡悉眾伐西魏。攻玉壁。西魏韋孝寬隨機禦之。歡不能克。乃使祖珽說之。使降。孝寬曰。攻者自勞。守者自逸。孝寬闕西男子。必不為降將軍也。歡士卒死者七八萬。有星墜歡營中。大懼而還。大丞相高歡病。使次子太原公洋鎮鄴。徵世子澄赴晉陽。歡性深密。終日儼然。人不能測。機權之際。變化若神。制馭軍旅。法令嚴肅。聽斷明察。不可欺犯。文武樂為之用。及病篤。謂世子澄曰。侯景專制河南十四年矣。常有飛揚跋扈之志。顧我能畜養。非汝所能駕馭也。堪敵侯景者。惟有慕容紹宗。及卒。澄秘不發喪。自出巡撫諸州。因朝于鄴。東魏主與之宴。澄起舞。識者知其不終。澄還晉陽。以其弟洋為京畿大都督。留鄴。遂歸發喪。東魏主贈歡相國齊王。備九錫。殊禮。以澄都督中外諸軍。錄尚書事。侯景素輕澄。諸將如高敖曹。彭樂等。皆勇冠一時。景皆輕之。及聞歡卒。遂以河南降西魏。後復降于梁。東魏主孝靜帝。美容儀。膂力過人。射無不中。好文學。從容沉雅。時人以為有孝文風烈。大將軍澄深忌之。初高歡自病。遂君之醜事。魏主禮甚恭。及澄當國。倨傲頗甚。嘗侍飲。舉大觴屬魏主。魏主不勝。忿曰。自古無不亡之國。朕亦何用此生為。澄怒罵曰。朕朕。狗脚。朕使李舒毆魏主三拳。奮衣而出。魏主不堪憂辱。詠謝靈運詩曰。韓亡子房奮。秦帝魯連耻。乃與荀濟等謀誅澄。事覺。澄勒兵入宮。見帝不拜而坐。曰。陛下何意反。乃幽帝于含章殿。烹濟等于市。遂還晉陽。澄獲衡州刺史蘭欽子京。以為膳奴。欽請贖之。不許。京屢自訴。澄杖之。曰。更訴當殺汝。京與其黨謀作亂。澄嬖瑯琊公主。公主美。在鄴與陳元康通。澄納之。常在鄴。澄不時往鄴。

侍衛者常遣出外。與公主百般淫樂。時澄妻善淫。流為妓。楊愔崔季舒屏左右。謀受禪。京置刀盤下。冒言進食。因殺澄。時變起倉猝。內外震駭。初澄弟太原公洋。因澄忌之。深自晦匿。素以不慧聞。至是聞澄死。洋神色不變。指揮部分入討群賊。斬而鬻之。東魏主聞澄死。竊謂左右曰。大將軍死。似是天意。威權當復歸帝室矣。及洋入謁。從甲士八十。從登階者二百餘人。皆攘袂叩刃。命主者傳奏曰。臣有家事。須詣晉陽。再拜而出。東魏主失色。目送之曰。朕不知死在何日矣。晉陽舊臣宿將素輕洋。及洋至晉陽。大會文武。神采英暢。言辭敏給。眾皆大驚。澄政不便者。洋皆改之。東魏高洋自為丞相都督中外諸軍事。封齊王。洋以高德政為書記。甚親昵之。徐之才。宋景業。善圖讖。因高德政勸洋受魏禪。洋以告其母婁太妃。太妃曰。汝父如龍。汝兄如虎。猶以天位不可妄據。終身北面。汝獨何人。而欲行舜禹之事乎。洋以告之才。之才曰。正為不及父兄。故宜早升尊位耳。洋鑄像卜之。而成。使侍中張亮等。見東魏主逼以禪位。魏主下御座。入與六宮別。舉宮皆哭。洋廢之。為中山王。在位一十七年。東魏亡。一主十七年。洋遂即位。國號齊。是為北齊。顯祖文宣帝。西魏大師宇文泰伐齊。齊主自將頡東城。泰聞其軍容嚴盛。歎曰。高歡不死矣。會久雨。畜產多死。乃還。于是河南自洛陽河北自平陽以東。皆入于齊。齊主每出入。常以中山王自隨。初靜帝后太原公主。為高歡女。至是降為中山王妃。太原公主恒為王嘗飲食。護視之。齊主飲公主酒。使人酖王殺之。并其二子。葬于鄴西。後忽掘出。投于漳水。過太原公主。使為僕射楊愔妻。盡誅元氏。前後死者七百二十一人。悉棄尸漳水。齊主之初立也。留心政務。坦于任使人。得盡力。又能以法御下。內外肅然。

軍國機策。獨決懷抱。每臨行陣。親當矢石。故所向有功。數年之後。漸以功業自矜。遂嗜酒淫佚。肆行狂暴。袒露形體。街坐巷宿。晏太后嘗以其酒狂。舉杖擊之。齊主曰。即當嫁此老婦。母與胡太后大怒。齊主欲太后笑。自匍匐。以身舉牀。墜太后于地。頗有所傷。既醒。大慚。恨口自責。數執杖脫背。就罪。太后前自抱之。齊主流涕苦請。乃答五十。然後衣冠拜謝。悲不自勝。因戒酒一旬。又復如初。高氏婦女。不問親疏。往往亂之。或以賜左右。不從者。手刃之。齊主納娼婦薛氏。有寵。清河王岳嘗因其姊迎之。至第。齊主鳩殺岳。久之。忽思薛氏。與岳通。斬其首。藏之于懷。出東山宴飲。勸酬始合。忽出其首。投于盤上。支解其尸。弄其髀骨為琵琶。一座大驚。復命收取。對之流涕。載尸以出。披髮步。跌哭而隨之。僕射崔暹卒。齊主幸其第哭之。謂其妻李氏曰。頗思暹乎。對曰。思之。齊主曰。然則盍往省之。乃首斬其妻。擲首墻外。又殺其弟。上黨王浹。永安王浚。以其數諫也。以浚浹妃。賜左右之。殺浚浹者。齊主洋性殘忍。醉輒殺人。以為戲樂。楊愔乃簡死囚。應用。謂之供御。三月不殺。則赦之。然洋雖無道。而能委政。楊愔總攝機衡。是以主昏于上。而政清于下。獎拔賢能。齊國亦治。齊主洋殂于晉陽。在位十年。太子殷即位。洋第六弟常山王演。殺尚書令楊愔。侍中燕子獻等。自為丞相。殷在位一年。演廢之。為濟南王。而自立。是為肅宗。孝昭帝。未幾。弒殷。益為閔悼王。齊主演許以第九弟長廣王湛為太弟。既而立太子百年。以湛守鄴。湛心懷不平。齊主演識度沈敏。明習吏事。勵精圖治。性孝友。太后不豫。衣不解帶。太后嘗心痛。齊主侍立帷前。以爪搗掌代痛。血流衣袖。友愛諸弟。無君臣之隔。演在位一年。忽見文宣帝。洋與楊愔。燕子獻等為祟。病遂危篤。備極厭禳之。

事。諸屬歌舞自若。乃徵長廣王湛立之。又與書曰。百年無罪。可于樂處置之。勿效前人。遂殂。湛自鄴馳赴晉陽即位。是為世祖武帝。封故太子百年為樂陵王。婁太后殂。齊主服緋袍。置酒作樂。如故。又逼通其嫂。文宣帝洋之妻。昭信宮李后曰。若不從。當殺爾子。后懼而從之。既有娠。其子太原王紹德至閤。不得見。有怨言。后大慚。生女不舉。齊主詔曰。爾殺我女。我何得不殺爾兒。對后以刀鑲築殺紹德。后大哭。齊主怒。裸后鞭之。白虹貫日。齊主湛欲以故太子百年厭之。百年嘗作數救字。教書者封奏之。齊主怒。使召百年。百年知不免。割帶玦留與其妃斛律氏。而入。齊主遣左右亂捶之。氣息將盡。乃斬之。棄諸池。池水盡赤。妃把玦哀號。不食而卒。玦猶在手。拳不可開。齊主湛驕奢淫佚。賦役繁重。吏民苦之。后胡氏嘗幸和士開婁定遠等。時人號為朝中八貴。彗星見。齊主湛傳位于太子緯。自稱太上皇。湛在位四年。又在太上皇位四年。殂。齊主緯年少。多嬖寵。外寵高阿那肱。韓長鸞。和士開。祖珽等。內寵乳母陸令萱。宮婢穆舍利等。皆專權用事。胡太后出入不節。既與和士開等通。復與沙門統曇獻通。諸僧至有戲呼曇獻為太上皇者。齊主聞而未之信。後朝太后。見二尼而悅之。召至。乃男子也。于是曇獻事亦發。皆伏誅。齊主緯以斛律光之女為后。因以斛律光輔政。光性節儉。不貪權勢。自結髮從軍。未嘗敗北。深為鄰國所憚。周黔州刺史韋孝寬密為謠言曰。百升飛上天。明月照長安。又曰。高山不推自崩。榭樹不扶自舉。令謀傳之于鄴。倖臣祖珽使其妻兄奏之。齊主殺光。并其二子。廢皇后斛律氏。周主聞之大喜。為之大赦。而齊事不可為矣。齊主緯言語澀訥。不喜見朝士。非寵私狎昵。未嘗交語。承武帝湛奢侈之後。後宮皆寶衣。

玉食競為新巧。一裙值萬疋。鏡台值千金。盛修宮苑。窮極壯麗。每有災異。寇盜輒多。設齋以為修德。自彈琵琶為無愁之曲。民間謂之無愁天子。又于華林園立貧兒村。自衣藍襪之衣。行乞其間。以為樂寵。仕宦官參預機權。官由財進。獄以賄成。蒼頭劉桃枝等皆開府封王。其餘歌舞巫覡人等。濫得富貴者。殆以萬數。至狗馬鷹犬及鬪雞。皆有儀同郡君。開府之號。而食其祿。一戲之賞。動踰巨萬。府藏空竭。乃詔郡縣賣官。守令率多商賈。競為貪縱。民不聊生。周主邕謀伐之。遂自將伐齊。師入齊境。攻河陽大城。拔之。進圍洛口。拔東西二城。周主以有疾。夜引兵還。次年復自將伐齊。攻平陽城。遂克晉州。初穆后愛長。其侍婢馮小憐大幸。齊主緯以為淑妃。誓同生死。時方與妃獵于天池。告急者三至。丞相高阿那肱曰。大家正為樂。邊鄙小事。何急奏為。至暮。使至則平陽已陷矣。齊主將還。妃請更殺一圍。從之。齊主自率大軍至平陽。周主使大將軍梁士彥為晉州刺史。守平陽。自引兵還。齊師遂圍平陽。梁士彥固守不下。齊大作地道。攻城城陷十餘步。將士乘勢欲入。齊主救且止。召淑妃共觀之。淑妃妝點不時。至。周人以木拒塞之。城遂不下。周主邕復引兵至平陽。擊齊師。齊主緯與馮淑妃並騎觀戰。東偏小却。淑妃怖曰。軍敗矣。齊主遂與淑妃北走。齊師大潰。齊主奔晉陽。周師攻克之。齊主奔鄴。周師趨鄴。望氣者言當有更易。齊主緯乃傳位于太子恒。恒時年方八歲。緯自為太上皇。在位十二年。周師入鄴。齊太上與穆后馮淑妃及幼主恒等奔青州。高阿那肱密召周師。擠齊太上與后妃幼主併胡太后等送鄴。北齊亡。凡六主。起梁簡文帝庚午。終陳宣帝丁酉。共二十八年。其後周主邕殺高緯。夷其族。太后后妃等。貧不能自給。有為尼為娼。

為人妾者。或曰胡太后善彭祖夏姬採補之術。貌極美。年雖老而有少容。後與穆后馮淑妃等俱為倡。日與長安諸少年遊。得恣其慾。嘆曰。為后何如為娼樂也。至盛唐尚在。不見其老。事見小說。其東魏北齊之事。俱已叙完。請再叙西魏北周之事。初高歡舉兵反。魏主修奔字文泰軍。却說宇文氏。炎帝神農之後。其先曰葛烏兔。雄武多算略。鮮卑慕之。奉以為主。遂總十二部落。世為大人。其後有普回者。因狩得玉璽。有文曰皇帝璽。普回異之。以為天授。其俗謂天曰字。謂君曰文。因號字文國。并以為氏。普回子莫那。徙居遼西。九世至逸豆歸。為前燕慕容皝所滅。其子陵仕燕。後歸魏。徙居武川。陵曾孫肱生子泰。生而有黑氣如蓋。下覆其身。故小字黑獺。及長。身長八尺。美鬚髯。髮長委地。手垂過膝。輕財好施。年十八。為葛榮將。榮敗入魏。為爾朱榮統軍。尋為賀拔岳司馬。及岳為陳悅所殺。即代統岳軍。及魏主修奔泰。以泰為大丞相。掌軍國之政。尚孝武帝妹馮翊長公主。魏主修閏門無禮。從妹不嫁者三人。皆封公主。平原公主明月。南陽王寶炬之同產也。淫于魏主。從入關。丞相泰使元氏及諸王。取明月殺之。魏主不悅。或時彎弓。或時推案。由是復與泰有隙。魏主飲酒。遇鴆而殂。泰立南陽王寶炬為帝。是為西魏。大丞相泰置紙于陽武門。以求直言。召用蘇綽。寵過日隆。泰欲為富國強兵之術。度支尚書蘇綽。教以減官員。置貳長。并置屯田。以資軍國。搜簡賢才。以為守令。國內稱治。及綽卒。宇文泰以其生平廉讓。歸葬武功。載以布車一乘。泰與群公步送。酌酒言曰。爾知吾心。吾知爾意。方欲平定天下。奈何遽舍我去。因舉聲慟哭。不覺厄落于手。西魏文帝寶炬在位十七年。殂。太子欽立。字文泰諸子皆幼。兄子章武公導。中山公護。皆出鎮。

惟以諸塔為心齋。魏主欽密謀誅秦。事泄。秦廢之。在位二年。置之雍州。尋弒之。而立其弟齊王廓。是為恭帝。去年號。惟稱元年。復姓拓跋氏。秦以古制。降諸王爵。皆為公。秦自為太師。大冢宰。秦能駕馭英雄。咸得其用。性好質素。不尚虛飾。明達政事。崇儒好古。凡有施設。皆依倣三代而為之。秦自北巡還。至牽牛山而病。驛召中山公護。護至涇州。秦謂之曰。吾諸子皆幼。外寇方強。天下事皆屬之于汝。宜努力以成吾志。遂卒。初。秦尚魏孝武帝妹。生覺。姚夫人生毓。毓于諸子為最長。秦立覺為嗣。時年十五。以覺為周公。護以周公覺幼弱。欲使早正位。以定人心。以魏主詔禪位于周。封魏主為宋公。魏恭帝廓在位十三年而被篡。尋為所弒。覺即天王位。以中山公護為大司馬。西魏亡。凡三主。起梁武帝乙卯。終陳武帝丁丑。共二十三年。自代及西魏。通共三百三十七年。周主覺性剛果。惡護之專。與司會李植。司馬孫恒。宮伯乙弗鳳。賀拔提等謀誅護。事覺。護殺鳳等。幽周主于舊第。月餘。弒之。武帝時。追贈為孝閔帝。在位一年。迎富都公毓。即天王位。復稱皇帝。建年號。是為世祖。明帝。周主毓。明敏有識量。護憚之。寘毒于饕餮。而進之。周主覺之。口授遺詔曰。朕子年幼。未堪當國。魯公邕。朕之介弟。寬仁大度。必能宏我周家。遂殂。在位三年。高祖武帝邕立時。大權盡歸于護。諸子及僚屬。貪殘恣橫。士民患之。周主深自晦匿。密與母弟衛公直。宮伯宇文神舉。下大夫王軌。右侍宇文孝伯等。謀誅之。周主每于禁中見護。常行家入禮。至是。引護入謁。太后謂曰。太后好飲。屢諫未納。因出懷中酒誥授之。曰。願見以此入諫。護入讀未畢。周主以玉珽自後擊之。護踣于地。直躍出斬之。收其子弟。親黨于殿中殺之。周主始親政事。周太后叱奴氏殂。周主行三年。

之喪。周主因齊主緯。肆虐無道。興師伐齊。獲齊主緯。及幼主恆等以歸。遂滅齊。滅齊事已見前。周主邕性節儉。既勝齊。乃毀其宮室之壯麗者。常服布袍。寢布被。後宮不過十餘人。至是詔唯置妃二人。世婦三人。御妻三人。餘皆減之。每行兵。親在行陣。步涉山谷。撫將士有恩。而明察果斷。用法嚴峻。由是將士畏威而樂為之。死。周主邕為太子。贊納妃楊氏。即隋公楊堅女也。太子多失德。王軌字文孝伯。嘗與周主言。太子必不克負荷。周主默然。軌又數言。太子非社稷主。楊堅有反相。周主遲疑未決。後因伐突厥。厥有疾而還。遂殂。在位一十八年。壽止三十六歲。太子贊立。是為宣帝。始立即還。倉欲曾無威容。捫其杖痕大罵曰。死晚矣。閱視宮人。逼而淫之。超拜鄭鐸為內史大夫。委以朝政。殺其叔父齊王憲。又殺徐州總管王軌。及宮正宇文孝伯。忠正之士。駢首就戮。立妃楊氏為皇后。以楊堅為上柱國大司馬。在位一年。傳位于太子闡。是為靜帝。年方六歲。自稱天元皇帝。務自尊大。恣為淫戲。日夜不休。搜取美女。以實後宮。驕侈昏暴。喜怒無常。人不自保。后父堅。位隆望重。天元忌之。堅不自安。天元備法駕。幸天興宮。不豫而還。是日即殂。堅自為丞相。總知中外兵馬事。華宣帝苛酷之政。更為寬大。躬行節儉。中外悅之。因召公卿謂曰。欲求富貴者。宜相隨。堅夜復召太史庚。李才。問曰。天時人事何如。李才曰。天道精微。難可意測。以人事卜之。符兆定矣。獨孤天人亦謂堅曰。騎虎之勢。必不得下。勉之。堅乃以世子勇為洛州總管。大殺諸王之不附己者。遂篡位。靜帝闡下詔。禪位于隋。在位三年。北周亡。起陳文帝丁丑。終陳武帝辛丑。凡五主。共二十五年。實毅之女。聞周主禪。自投堂下。撫膺太息曰。恨我不為男子。救勇氏之難。毅及襄陽公主掩其

口曰。汝勿妄言滅吾族矣。由是奇之。及長。以適唐公李淵。後代隋而有天下。却說隋高祖文帝。堅小字那羅延。魏恭帝賜姓普六如。本姓楊氏。宏農華陰人。今陝西西安府華陰縣是也。漢太尉震之後。父忠仕魏。及周。以功封隋公。堅襲爵。堅生而有異。母不能鞠。宅旁有尼寺。一尼抱歸以鞠之。一日尼出付其母。自抱角出。鱗起。母大驚。墜之地。尼心動。亟還。見之曰。驚我兒。致令晚得天下。及長。相表奇異。堅深自韜晦。至是篡位。都長安。國號隋。立獨孤氏為后。后謙恭好讀書。言事多與隋主意合。甚寵憚之。宮中稱為二聖。隋主弒。故靜帝闡。盡滅宇文氏之族。自周太祖以下。子孫皆死。隋高祖蘇威。同心協贊。政無大小。帝悉與之謀。數年之中。天下稱治。隋滅後梁。又滅陳。合天下為一統。其滅梁滅陳事。已見二十三回。不贅。綱鑑紀事。以隋接陳。以隋文帝開皇九年。直接陳後主。禎明二年。隋仁壽宮成。帝幸之。時天暑。役夫死者。相次于道。楊素悉焚之。帝不悅。及見制度壯麗。大怒曰。素為吾結怨天下。素慮獲譴。封德彝曰。公勿憂。俟皇后至。必有恩詔。明日后勞之曰。公知吾夫婦老。無以自娛。盛飾此宮。豈非忠孝。賜賚甚厚。素薦德彝。帝擢為內史舍人。帝以盜賊繁多。命盜一錢以上。皆棄市。或三人共盜一瓜。事發即死。天下懍懍。有數人劫執事。而謂之曰。吾豈求財者耶。但為枉人來耳。爾為我奏至尊。自古以來。體國立法。未有盜一錢而死者。爾不為我。以聞吾更來。爾屬無唯類矣。帝聞之。為停此法。帝性嚴重。令行禁止。勤于政事。每旦聽朝。日昃忘倦。雖嗇於財。而至于賞賜有功。即無所吝。將士戰歿。必加優卹。仍遣使者勞問其家。愛養百姓。勸課農桑。輕徭薄賦。其自奉養。務為儉素。自非享宴所食。不過一肉。乘輿服御。敝者隨令補用。後宮服澣。

濯之衣。天下化之。大夫率衣絹布裝帶。不過銅鐵骨角。以故衣食滋殖。倉庫盈溢。受禪之初。民戶不滿四百萬。末年將近九百萬。然猜忍苛察。信受讒言。文法自矜。忘刻臨下。常令左右覘視內外。有過失則加重罪。又患令吏臙汙。私使人以錢帛遺之。得犯立斬。每于殿廷捶人。一日之中。或至數四。功臣故舊。無始終得全者。乃至子弟皆如仇敵。此其所短也。初帝使太子勇參決政事。時有損益。勇性寬厚。率意無矯飾。帝性節儉。而勇服用多侈。恩寵始衰。勇多內寵。嫡妃無寵。死而多庶子。獨孤后深惡之。晉王廣。彌自矯飾。為奪嫡計。后贊帝廢勇。及其男女并為庶人。而立晉王廣為太子。天下同日地震。其後獨孤后先帝而崩。及帝寢疾。楊素柳述元巖。皆入閣侍疾。召太子入居殿中。太子預擬帝不諱後事。為書問僕射楊素。素錄事狀以報。宮人誤送帝所。帝覽之大恚。帝所幸陳夫人。陳宣帝女也。極有美色。旦出更衣。為太子所逼。拒之得免。上怪其神色有異。問其故。夫入泣然曰。太子無禮。上愈恚。抵牀曰。畜生何足以付大事。獨孤誤我。乃呼柳述元巖曰。召我兒。述等將呼太子。上曰。勇也。述巖出閣。為勅書。素聞之。以白太子。乃矯詔執述巖繫獄。追東宮兵帖。上台宿衛。門禁出入。並取宇文述郭行。令右庶子張衡入殿侍疾。盡遣後宮出就別室。俄而上崩。在位二十四年。晡後。太子封小金合。遣使者以賜陳夫人。夫人以為鴆毒。懼甚。發之。乃同心結也。夫人恚而却坐。不肯致謝。諸宮人共逼之。乃拜使者。是夜太子丞高。明日發喪。即位。是為煬帝。矯稱高祖詔。賜故太子勇死。不為置嗣。徙柳述元巖于嶺南。初高祖惟與獨孤后相愛。傍無姬妾。五子同母。意謂必相和睦。其後互相猜忌。五子皆不得壽終。欲知後事如何。且聽下回分解。

第二十六回 四十年彈指過海內風塵

詩曰

九里山前古戰場。牧童拾得舊刀鎗。烏江流水潺潺响。彷彿虞姬哭霸王。

霸王烏江血未乾。長陵樹老朔風寒。千年暗草埋金谷。幾輩征夫老玉關。去鳥銷沉雲漠漠。野花零落水潺潺。豪華一去無踪跡。留得虛名紙上看。

却說隋文帝既篡周。復滅後梁。至九年正月。又滅陳。為一統。子楊廣既弑父。復殺兄。于弑父之夕。又烝淫父妾而篡立。廣小字阿摩。文帝第二子。初封晉王。既篡位。是為煬帝。立皇后蕭氏。命楊素營東京宮室。又勅宇文愷與舍人封德彝等。營顯仁宮。南接皂澗。北跨洛濱。發大江以南。五嶺以北。奇材異石。輸之洛陽。又求海內嘉木異草。珍禽奇獸。以寔園苑。自長安至江都。引穀洛。汴。河。江淮諸水。各相通為水道。廣四十步。傍築御道。樹以柳。沿途置離宮四十餘所。又遣黃門侍郎王宏等。往江南造龍舟。及雜船數萬艘。東京官吏督役嚴急。役丁死者十四五。所司以車載死丁。東至成臯。北至河陽。相望于道。築西苑。周二百里。其內為海。周十餘里。為方丈蓬萊瀛洲諸山。高出百餘尺。台觀宮殿。羅絡山上。海北有龍鱗渠。縈紆注海內。緣渠作十六院。門皆臨渠。每苑以四品夫人主之。堂殿樓觀。窮極華麗。宮樹秋冬凋落。則翦綠為花。為葉。綴于枝條。色渝。則易以新者。常如陽春。治內亦翦綠為荷。菱。芡。乘輿游幸。則去水而布之。十六院競以餽羞精麗。相高。求市恩寵。上好以月夜縱宮女數千騎。遊西苑。作清夜遊曲。于馬上奏之。行幸江都。發顯仁宮。出洛口。御龍舟。舟四重。高四十五尺。長二百尺。上重有正殿。內殿。朝堂。中二重有房百二十間。皆飾以金玉。沉

檀以處美女妃嬪。下重內侍處之。皇后乘翔螭舟。制度差小。三重別有浮景九艘。輓船美女九千餘人。謂之殿脚女。皆衣以錦綉之綵。艷冶奪目。餘數千艘。後宮諸王公主百官僧尼道士蓄客乘之。輓船士八萬餘人。舳艫相接二百里。照躍川陸。騎兵翼兩岸而行。旌旗蔽野。所過州縣五百里內。皆令獻食。多者一州。至百饗。極水陸珍奇。後宮厭飲。將發之際。多棄埋之。新作輿衛儀服。課州縣送羽毛。民求捕之。殆無遺類。烏程有高樹踰百尺。上有鶴巢。民欲取之。不可得。將伐其根。鶴恐殺子。自拔毫毛投于地。時人或稱以為瑞。置洛口倉于鞏東南原上。城周二十餘里。穿三千窖。置回洛倉于洛陽北七里。城周十里。穿三百窖。每窖皆容米八千石。發丁男一百餘萬。以修築。秦始皇時萬里長城。殺高頰。賀若弼。宇文弼。薛道衡等。先朝舊臣及忠諫之士皆死。煬帝善屬文。不欲人出其右。薛道衡死。乃曰。更能作空梁落燕泥否。煬帝北巡。車駕發榆林甲士五十餘萬。旌旗輜重千里不絕。突厥啟民可汗奉廬帳以俟車駕。帝幸其帳。啟民奉觴上壽。帝大悅。賦詩曰。呼韓稽顙至。屠耆接踵來。何如漢天子。空上單于台。賜各有差。西域諸胡多至。張掖等郡交易。帝使吏部侍郎裴矩掌之。矩知帝好遠略。諸商胡至者。矩誘訪諸國山川風俗。撰西域圖紀三卷。合四十四國。入朝奏之。帝于是慨然慕秦皇漢武之功。將通西域。四夷經略咸以委矩。自是西域諸胡往來相繼。所經郡縣疲于迎送。糜費以萬萬計。西域諸胡來朝獻地。置西海等郡。諸蕃來朝。陳百戲于端門以示之。終月而罷。所費鉅萬。諸蕃入豐都市交易。先命整飾肆店。盛設帷帳。珍貨充積。胡客過酒食店。悉邀入。醉飽而散。不取其值。給之曰。中國豐饒。酒食例不取值。胡客皆驚歎。其黠者覺之。

見以繒巾纏樹。曰：中國亦有貧者，衣不蓋體，何不以此物與之？纏樹何為？市人慙，不能答。帝稱：裴矩之能，謂羣臣曰：裴矩大識朕意，凡所陳奏，皆朕之成算，而未發者，自非奉國盡忠，孰能如是？徵高麗王元八朝不至，裴矩說煬帝曰：高麗本箕子所封之地，漢晉皆為郡縣，今乃不臣當陛下之時，何可不取？乃下詔伐高麗，勅幽州總管元宏嗣往東萊海口造船三百艘，官吏督役，晝夜立水中，自腰以下皆生蛆，死者十三四。總徵天下之兵，無間遠近，俱會于涿郡。又發江淮以南民夫及船運黎陽洛口諸倉米至涿郡，舳舻相次千餘里，載兵甲及攻取之具，往還道常數十萬人。死者相枕于道，天下騷動，于是始相聚為羣盜。七年冬，鄒平民王簿倡亂，擁眾據長白山，剽掠齊濟之郊，自稱知世郎，言世事可知也。又作無向遼東浪死歌，以相感動，避征役者多往歸之。凡二年為張須陁所滅，竇建德起兵漳南，能傾身接物，與士卒均勞役，由是人爭附之，為之致死。稱長樂王，尋改稱夏王，張金稱聚眾河曲，高士達聚眾清河，自是所在羣盜蜂起，不可勝數。煬帝至遼東，高麗諸城各堅守不下，將軍宇文述等九軍皆敗于薩水而還。初大軍渡遼，凡三十萬五千人，及還，惟二千五百人，資儲器械失之殆盡。煬帝還東都，一時後宮妃主狼狽相失，與軍士雜宿山谷間，復徵天下兵集涿郡，募民間驍勇，復自將擊高麗。時太子昭早卒，煬帝命太子昭長子代王侑留守西京，以刑部尚書衛文昇輔之，命太子昭次子越王侗留守東都，以民部尚書樊子蓋輔之。楊素之子楚公楊元感起兵黎陽，圍東都，以蒲山公李密為謀主，密少有才略，志氣雄遠，輕財好士，為左親侍，帝忌之，密遂屏人事，專務讀書，嘗乘黃牛讀漢書，楊素過而異之，謂元感等曰：汝等

不及也。元感見朝政日紊，潛就密問計。密曰：天子出征，遠在邊外，去幽州猶隔千里，公擁兵出其不意，長驅入薊，扼其咽喉。高麗聞之，必躡其後，不過旬日，資糧皆盡，招撫其眾，不降則潰，可不戰而擒。此上計也。關中四塞，天府之國，今帥眾鼓行而西，經城勿攻，直取長安，據險而守之，以徐圖天子。此中計也。簡兵倍道，襲取東都，以號令四方。若攻之百日不克，天下之兵四面而至，非僕所知也。元感曰：不然。今百官家口並在東都，若先取之，足以動其心，且經城不拔，何以示威。公之下計，乃上策也。遂引兵向洛陽，圍東都。煬帝聞之，乃引兵還，遣宇文述來護免等擊元感。元感復委韋福嗣以心膂，不專任密。密退謂所親曰：楚公好反而不欲勝，吾屬今為虜矣。元感引兵趨潼關，宇文述等追之。元感敗死。煬帝使裴蘊推治元感黨，與謂蘊曰：元感一呼而從者十萬，益知天下人不欲多，多則相聚為盜，爾不盡加誅，何以懲後。由是所殺三十餘萬，枉死者大半。元感之圍東都也，開倉賑給百姓，凡受米者皆坑之于都城之南。李密亡命，為人所獲，執送東都。密與王仲伯等竊謀逃亡，悉出所齎金寶，與使者曰：吾等死日甚近，此金並留付公，幸以此須相瘞，請極歡而死，無恨矣。所至覓酒食，覓妓女，讌飲喧譁，竟夕達旦，以為常行。至魏郡石梁驛，飲防守者皆醉，乃穿牆而逸去。聚徒教授于王秀才家，郡縣捕之，值出獲免。韋城翟讓為東郡法曹，坐事當斬，亡命于瓦岡，為羣盜同郡。徐世勳、單雄信皆從之。李密自雍邱亡命，亦歸讓，諸帥相謂曰：今人皆言楊氏將滅，李氏將興，吾聞王者不死，斯人再三獲濟，豈非其人乎。由是漸敬密，密遂與羣盜翟讓等起兵攻滎陽。煬帝徒張須陁為滎陽通守，以討之。通守者，即今之通判也。密畫策分兵千餘人伏

林間殺須施羅士信秦叔寶等俱降于密。河南郡縣為之喪氣。李密說翟讓曰。洛口倉多積粟。將軍若親帥大軍。輕行掩襲。發倉以賑窮乏。遠近孰不歸附。百萬之眾一朝可集。遂將精兵七千人襲回洛倉。破之。開倉忘民所取。老弱樵負。道路相屬。讓于是推密為主。號為魏公。用祖君彥為記室。密移檄州郡。數煬帝十罪。且曰。罄南山之竹書罪無窮。決東海之波流惡難盡。君彥之手筆也。河間賊帥格謙起兵。自稱燕王。煬帝命王世充討斬之。謙將高開道收其餘眾寇掠燕地。復稱燕王。杜伏威起兵據歷陽。略江淮。自稱總管。以輔公祐為長史。分徇諸縣。小盜多附之。眾遂盛。東海李子通渡淮。與杜伏威合。自稱將軍。尊稱帝。國號吳。城父朱粲聚眾為盜。謂之可達寒賊。自稱迦樓羅王。眾十餘萬。引兵轉掠荆沔。及山南諸郡。縣所過淫掠。以人為糧。噍類無孑遺。鄴陽賊帥操師乞攻臨豫章。自稱元興王。侍御史劉子誦討之。師乞中流矢死。其鄉人林士宏代領其眾。以戰子翊敗死。宏自稱楚帝。自九江以南。及番禺。皆為所有。魯郡賊帥徐圓朗攻臨東平。至瑯琊。以西盡有之。朔方鷹揚郎將梁師都起兵。自稱大丞相。馬邑鷹揚府校尉劉武周起兵。自稱太守。二人皆北附于突厥。突厥立武周為定楊可汗。武周遂自稱帝。取樓煩定襄雁門諸郡。據汾陽宮。梁師都取雕陰宏化延安等郡。自稱梁帝。郭子和坐事徙榆林。會大饑。子和結死士十八人殺郡丞。開倉賑賑。起兵。自稱永樂王。北附突厥。二年降唐。封鄜國公。得善終。金城校尉薛舉起兵隴西。開倉賑施。自稱西秦霸王。尊稱帝。一時起兵據地者六十四處。先是羣盜得隋官。及士族子弟皆殺之。獨竇建德善遇之。由是隋官多以城降之。聲勢日盛。他如武威鷹揚府司馬李軌據河西。自稱河西

大梁王。後梁宣帝蕭譽曾孫羅川令銑起兵取豫章江陵嶺南等地。勝兵四十餘萬。自稱梁王。尋稱帝。內史郎虞世基以帝惡聞盜賊。請將有告敗求救者皆不以聞。但云鼠竊狗偷。郡縣捕逐。行當殄滅。願陛下勿以介懷。煬帝以為然。或杖其使者以為妄言。由是盜賊徧海內。臨沒郡縣。帝皆弗之知也。時太僕楊義臣擊張金稱。高士達。斬之。破降河北賊數十萬。列狀上聞。帝歎曰。我初不聞賊頓如此。義臣降賊何多也。世基對曰。小竊雖多。未足為慮。義臣克之。擁兵不少。久在閩外。此最非宜。帝曰。卿言是也。遽追還義臣。放散其兵。賊由是復盛。詔百僚復議伐高麗。徵天下兵。百道俱進。時天下已亂。所徵兵多不至。高麗因啟遣使乞降。帝乃班師。仍徵高麗王元入朝。元竟不至。有二孔雀自西苑飛集寶成朝堂。前親衛校尉高德儒見之。奏以為鸞。時孔雀已去。無可得驗。于是百官稱賀。詔以德儒誠心冥會。肇見嘉祥。拜朝散大夫。詔江都更造龍舟數十艘。龍舟成。送東都。宇文述勸煬帝幸江都。帝大悅。從之。羣臣諫者盡斬之。宇文述死。帝以其化及為屯衛將軍。次子智及為將作少監。帝至江都。巡江淮。郡官謁見者。專問禮餉豐薄。豐則超遷。薄則停解。由是郡縣競為刻剝。以充貢獻。民外徧盜賊。內苦重賦。加之饑饉。採樹皮草根木葉而食。諸物盡。乃自相食。官倉充。奴羣吏畏法。莫敢賑救。江都丞王世充以獻銅鏡屏風。遷通守。又簡閱民間美女。獻之于。是益寵任之。煬帝以唐公李淵為宏化郡留守。淵御眾寬簡。人多附之。帝以淵相貌奇異。又名應圖讖。忌之。徵詣行在。淵過疾未謁。其甥王氏在後宮。帝問之曰。汝舅來何遲。王氏以疾對。帝曰。可得死否。淵聞之懼。因縱酒納賂。以自晦。煬帝乃以淵為山西河東撫慰大使。承制黜陟。討捕羣賊。

初淵娶竇毅女。生建成世民。元霸。元吉。世民。聰明勇決。識量過人。見隋室方亂。陰有安天下之志。傾身下士。散財結客。咸得其歡心。晉陽宮監裴寂與劉文静同宿。見城上烽火。寂歎曰。貧賤如此。復逢亂離。將何以自存。文静笑曰。時事可知。吾二人相得。何憂貧賤。文静見李世民而異之。深自結納。謂寂曰。此非常人。豁達類漢高。神武同魏祖。年雖少。命世才也。文静坐與李密連婚。係太原獄。世民就省之。文静曰。天下大亂。非漢高。光武之才。不能定也。世民曰。安知其無。但人不識耳。我來相省。非免女子之情。欲與君議大事也。計將安出。文静曰。今主上南巡江淮。李密圍逼東都。群盜殆以萬數。當此之際。有真主驅駕而用之。取天下如反掌耳。太原百姓皆避盜入城。文静為令數年。知其豪傑。一旦收集。可得十萬人。尊公所將之兵。復有數萬。一言出口。誰敢不從。以此乘虛入關。號令天下。不過半年。帝業成矣。世民笑曰。君言正合我意。乃陰部署賓客。淵不之知也。世民乘間屏人說淵曰。今主上無道。百姓困窮。晉陽城外。皆為戰場。大人若守小節。下有寇盜。上有嚴刑。危亡無日。不若順民心。興義兵。轉禍為福。此天授之時也。淵大驚曰。汝安得為此言。明日世民復說淵曰。今盜賊日繁。遍于天下。大人受詔討賊。賊可盡乎。願大人勿疑。淵歎曰。吾一夕思汝言。亦大有理。今日破家亡軀。亦由汝。化家為國。亦由汝矣。先是晉陽宮監裴寂。以晉陽宮人私侍淵寢。淵從寂飲酒酣。寂從容言曰。二郎陰養死士。欲舉大事。正為寂以宮人侍公。恐事覺并誅。為此急計耳。眾情已協。公意如何。淵曰。吾兒誠有此謀。事已如此。當復奈何。正須從之耳。會煬帝以李淵不能禦寇。遣使執詣江都。淵大懼。世民與寂等復說淵曰。事已迫矣。宜早定大計。淵然之。適劉

武周據汾陽宮。世民言于淵曰。大人為留守。而盜賊竊據離宮。不早建大計。禍今至矣。煬帝大業十三年五月。淵乃命世民與劉文静等。各募兵。旬日之間。眾至萬人。王威高若雅。見淵兵大集。疑有異志。欲討淵。淵使世民伏兵殺之。時文静勸淵與突厥相結。資其士馬。以益兵勢。淵從之。遣使如突厥。突厥欲淵為帝。則以兵相助。淵不可。裴寂請尊天子為太上皇。立代王為帝。改易旗幟。雜用絳白。以示突厥。淵曰。此可謂掩耳盜鈴。然逼于時事。不得不爾。乃許之。命劉文静出使。以此告突厥。且借兵。私謂文静曰。胡騎入中國。生民之大蠹也。吾所以借兵者。恐劉武周引之。共為變患。聊欲藉之。以為聲勢耳。數百人之外。無所用之。淵使世民將兵擊西河郡。郡丞高德儒閉城拒守。攻拔之。執德儒至軍門。世民數之曰。汝指野鳥為鸞。以欺人主。取高官。吾興義兵。正為誅佞人耳。遂斬之。其餘不戮一人。秋。毫無犯。遠近聞之。大悅。世民等引兵還晉陽。往返凡九日。淵喜曰。此行兵。雖橫行天下可也。遂定入關之計。秋七月。淵以子元吉為太原太守。留守晉陽。淵帥甲士三萬。發晉陽。立軍門。警眾。移檄郡縣。諭以尊立代王之意。隋代王侑遣宋老生帥精兵二萬屯霍邑。屈突通將驍果數萬屯河東。以拒淵。會積雨。淵不得進。軍中之糧。劉文静未返。或傳突厥與劉武周乘虛襲晉陽。淵召將佐謀北還。裴寂等皆以為不如還救根本。更圖後舉。世民曰。今未敢被野。何憂乏糧。老生輕躁。一戰可擒。李密顧戀倉粟。未遑遠略。武周與突厥外雖相附。內實相猜。況武周雖遠利太原。豈可近忘馬邑。本興大義。當奮不顧身。以救蒼生。先入咸陽。號令天下。今遇小敵。遽尔班師。恐從義之眾。一朝解體。還守太原一城之地。為賊耳。何以自全。淵不聽。促令引發。世民

將復入諫。會日暮。淵已寢。世民不得入。號哭于外。聲聞帳中。淵召問之。世民曰。今兵以義動。進戰則克。退還則散。眾散于前。敵乘于後。死無日。何得不悲。淵乃悟。時左軍已發。世民乃與建成分道。夜追左軍。復還太原。運糧亦至。八月雨霽。淵進軍趨霍邑。宋老生將兵三萬迎戰。世民以數千騎擊斬之。遂克霍邑。又克臨汾絳郡。下韓城馮翊等地。時河東未下。李淵欲引兵西趨長安。猶豫未決。裴寂曰。屈突通擁大眾。憑堅城。吾捨之而去。若進攻長安不克。退為河東所躡。腹背受敵。此危道也。不若先克河東。世民曰。不然。兵貴神速。吾席累勝之威。撫歸附之眾。鼓行而西。長安之人望風震駭。智不及謀。勇不及斷。取之若風振槁葉耳。屈突通自守之慮。不足為慮。淵兩從之。留劉文静等圍河東。自引兵而西。淵帥諸軍濟河。關中士民歸之者如市。世民所至。吏民及群盜從之如流。世民收其豪俊。以備僚屬。淵女適柴紹者。亦將精兵萬餘。會世民于渭北。與柴紹各置幕府。號娘子軍。左親衛段綸亦娶淵女。聚徒于藍田。得萬餘人。以應淵。隰城尉房元齡謁世民于軍門。世民一見如舊識。署記室參軍。引為謀主。元齡亦自以遇知己。竭罄心力。知無不為。世民引兵頓于阿城。勝兵十二萬。軍令嚴肅。秋毫無犯。十一月。李淵克長安。殺留守官陰世師等十二人。與民約法十二條。悉除隋苛禁。馬邑丞李靖素與淵有隙。淵收靖將斬之。靖大呼曰。公興義兵。除暴亂。乃以私怨殺壯士乎。世民為之固請。乃捨之。世民因召置幕府。靖少負志氣。有文武材略。其舅韓擒虎每撫之曰。可與言將帥之略者。獨此子耳。李淵立代王侑為皇帝。遷尊煬帝為太上皇。自為大丞相。封唐王。隋帝侑在位一年。禪位于唐。唐主李淵即皇帝位。改元武德。都長安。封隋帝侑為

鄴國公明年殂。謚為恭帝。年十五無後。且攔過不題。却說煬帝在江都。夜眠中。每恒驚悸。云有賊。必令數婦人抱持。搖撫。乃得眠。諸驍果從煬帝在江都者。多逃。帝患之。以問裴矩。矩對曰。人情非有匹偶。難以久處。請聽軍士于此納室。帝從之。悉召江都寡婦處女集宮下。恣將士所取。或先與有姦者。聽自首。即以配之。民間美婦驍果。誣云有姦。盡奪淫之。帝荒淫益甚。宮中為百餘房。各盛供張。日令一房為主人。酒卮不離于口。然見天下危亂。亦不自安。退朝則幅巾短衣。偏歷台閣。汲汲顧景。唯恐不足。常仰視天文。謂蕭后曰。外間大有人圖儂。然且共樂飲耳。因飲沉醉。又引鏡自照。曰。好頸項。誰當砍之。后驚問故。帝笑曰。貴賤苦樂。更迭為之。亦復何傷。時江都糧盡。從駕驍果多闕中人。皆思歸。虎賁郎將司馬德戡直閣裴虔通等。共謀去。因轉相招引。於廣坐明論。叛計。宮人聞之。言于煬帝。帝怒。斬之。自是無敢言者。郎將趙行樞以告宇文智及智及大喜曰。上雖無道。威令尚行。公等之去。徒取死耳。不如因行大事。此帝王之業也。德戡等然之。因推宇文化及為主。悉召諸驍果諭以所為。乃夜于東城集兵。得數萬人。舉火與城外相應。煬帝望見火。聞宮外喧囂。問何事。裴虔通對曰。草坊失火。外人共救之耳。至五更。德戡使虔通將數百騎入宮屯衛。將軍獨孤盛拒戰死之。先是煬帝選驍健宮奴數百人守元武門。以備非常。至是化及等結煬帝所寵宮人魏氏。矯詔散其兵。德戡遂引兵自元武門入。煬帝易服逃于西閣。校尉令狐行達拔刀直進。扶煬帝下閣。勒兵守之。至旦。以甲騎迎化及。化及戰栗不能言。既至。德戡等迎謁。引入。號為丞相。虔通以騎逼煬帝出宮。化及曰。何用將此物出。急還與手。于是引煬帝還寢殿。帝歎曰。我何罪。

至此賊黨馬文舉歷數煬帝罪惡。帝曰：我寔負百姓。至于爾輩榮祿兼及。何乃如是。時煬帝愛子趙王杲。年十二。在場帝側。號慟不已。虔通斬之。血濺御服。遂欲弑帝。帝曰：天子自有死法。何得如以鋒刃取鳩。酒來。文舉等不許。令孤行達頰。煬帝令坐。帝自解練巾。授行達等。監殺之。煬帝竊位十三年。蕭后與宮人撤漆牀板。為小椹。與趙王杲同殯于西院之流珠堂。化及殺煬帝諸子幼孫。及隋氏宗室外戚。無少長皆斬之。惟煬帝姪秦王浩。素與智及往來得免。立為帝。令居別宮。惟發詔畫勅而已。化及自為大丞相。總百揆。擁眾十餘萬。據有六宮。姦宿蕭后妃嬪。宣淫無忌。自奉一如煬帝。以諸驍果欲西還長安。乃引兵而西。至彭城。水路不通。復奪民間牛車。載宮人珍寶。而使軍士自負戈甲。道遠披劇。軍士皆怨。司馬德戩與趙行樞等謀殺化及。化及殺之。李密據鞏洛以拒化及。化及不得西。乃引兵向東都。入滑台。東都留守官得煬帝凶聞。奉越王侗即位。以王世充為納言。封鄭國公。化及引兵趨黎陽。東都聞之。與李密合兵以拒之。化及敗。乃北趨魏縣。化及兵勢日蹙。兄弟更無他計。但相聚酣宴。奏女樂。擁蕭后。縱酒宣淫。醉則尤智及。持其兩子而泣。智及怒曰：事捷之日。初不賜尤。及其相敗。乃欲歸罪。何不殺我以降。竇建德數相爭鬥。醒而復飲。以此為恒。眾多亾散。化及歎曰：人生固當一死。豈可不一日為帝乎。乃鳩殺秦王浩。即帝位于魏縣。國號許。唐高祖從弟淮安王神通擊化及于魏縣。化及走聊城。夏王竇建德引兵趨聊城。大破之。生禽化及。與智及併其二子。丞基丞趾。及其黨封盡斬之。獲蕭后。與傅國璽。未幾突厥遣使迎蕭后。建德送蕭后于突厥。化及既平。隋王世充自為相國。封鄭王。加九錫。未幾鄭王世充幽隋主侗于

含涼殿廢為潞國公。自稱皇帝。尋戮之。亦謚為恭帝。時唐高祖武德二年五月事也。隋主凡四主。共三十九年。至唐高祖如何統一天下。話長。且聽下回分解。

國史館藏書



0104919